


# I SHIWI LYA CISHIBILO

 Beni abaiminina pa kashitafye akanono mu Kusangwapo kwakwa Shikulu. Natubelenge ukufuma mu Cebo Cakwe, mu Kufuma, pa chapitala 4.

*... Mose aaswike no kutila, Lelo, moneni, tabaka ncetেকে, nangu ukumfwa kwi shiwi lyandi: pantu bakatila, SHIKULU Ta moneka kuli iwe.*

*Na SHIKULU atiile kuli ena, Cinshi icili mu minwe yobe? ... nao atiile, Ni nkonto.*

*Kabili atiile, Ipose panshi. Kabili aiposele panshi, nayo yasangwike insoka; na Mose afulumwikeko.*

*Lelo SHIKULU atiile kuli Mose, Bika ukuboko kobe, no kuiikata ku muchila. Kabili abikile ukuboko kwakwe, no kwikatako, nayo yasangwile inkonto mu minwe yakwe:*

*Ekuti bena benga cetekela ukuti SHIKULU Lesa wa bashibo, Lesa wakwa Abrahamu, Lesa wakwa Isaki, kabili Lesa wakwa Yakobo, ali monekele kuli iwe.*

*Kabili SHIKULU atiile kuli ena, Shi pisha ukuboko kobe mu ca kufwala pa cifuba cobe. Nao apishishe ukuboko kwakwe mu ca kufwala pa cifuba cakwe: kabili lintu a kufumishe, moneni, kwena kwali fibashi kwabuuta buu nge mfula ya buuta.*

*Kabili atiile, Bwesho kuboko kobe pa cifuba cobe. Nao abweshehe ukuboko kwakwe pa cifuba cakwe; kabili lintu akufumishe pa cifuba cakwe, kabili, moneni, kwabwelelamo kwaba ngo mubili wakwe.*

*Kabili cikesaba, ngacakuti bena taba kaku cetেকে, nangu kumfwa kwi shiwi lya cishibilo ca ntanshi, ukuti bena bakacetekele ishiwi lya ciishibilo cakonkopo.*

*Kabili cikesa fikilishiwa, ngacakuti bena bakana uku kucetekele iwe, nangu ukukana umfwa kwi shiwi lyobe, elyo ukabuulepo amenshi ya mu mulonga, no kuyetila pa mulundu: kabili amenshi ayo iwe wabuula ku mulonga yakabo mulopa pa. . . mulundu.*

<sup>2</sup> Natukontamike imitwe yesu mwipepo. Nomba bushe namukwata icakulombapo, muno cungulo, cintu imwe mulefwaya ukwishibikwa kuli Shikulu, imyenifye amaboko yenu nokutiila, “Shikulu, njibukisheni nomba. Ndi necakukabila.”

<sup>3</sup> Mwe Shifwe wesu uwa ku Muulu, ifwe twapalamina kuli Imwe nakabili muno cungulo, ukwishiba ukuti ilyo

twakontamika imitwe yesu kwiloba kuntu twafumine, kabili, ngacakuti Imwe mwakokola, ifwe tukabwelela kulukungu. Lelo nesubilo lya palwa bulayo ubuli muli Kristu, ukuti abo bonse ababa muli Lesa Kristu akaleta pamo na Ena. Twa—twa Mutotela pa bulayo ubu ubwa bukata. Kabili Napepa, mwe Lesa, ukuti Imwe mwala ibukisha cila umo muli bena abemishe amaboko yabo, nokwandi nako, Shikulu.

<sup>4</sup> Ine ndepepa, muno bushiku, ukuti mukwisala kwa iyi nsa yacitetekelo, ukuti Imwe mulepela abantu icicetekelo nganshi muno bushiku, icakuti Shikulu Yesu aleba umutuntulu nganshi kuli cila umo muli ifwe, ukuti tapabe umuntu uwanaka mukati kesu panuma ya buno bushiku. Shi cila mubembu eluke ukuti ali mu Kusangwapo kwakwa Shikulu Yesu, kabili no kulapila ku membu shakwe, nokupela umutima wakwe kuli Imwe, nokwisushiwa no Mupashi, muli yano amaora ayabi ishakulekelesha, ngafintu tulecimona kwati cinshingwa icikalamba icilebendela pesonde.

<sup>5</sup> Ifwe twapepa, mwe Lesa, kubutungulushi Bwashila, muno bushiku, kukulanda naku kumfwa. Shi u Mupashi wa Mushilo nombamba usende umusonkano ukwakanya Umukate wa Mweo kuli cila umo muli ifwe nga fintu tulekabila, pantu twalomba ici mwi Shina Lyakwe. Amenii.

Kuti mwaikalako.

<sup>6</sup> Ndecetekela ukuti muno bushiku twala pwishishisha ico cintu tuleesha ukulenga abantu ukumona, i—i cine cine ica kukwata icicetekelo muli Lesa.

<sup>7</sup> Nombamba, mailo akasuba pa afu pashiti tu, abo bonse abali nefitupa fya kupepelelwa bali nokupepelelwa. Kabili ukushininkisha ukuti takuli uushole, ukwabula ifitupa fyamapepo, cila bushiku tula peela ifitupa fyamapepo. Kabili ena akapela nakabili mailo, pali . . . Nde subila, nalimo afu pashiti wanu nangu icintu cimo ngefyo, ilintufye umusonkano taulatampa. Kabili bonse abalekabila ukupepelelwa, abali bonse mu batemwikwa benu, lekeni bakese nokupoka ifitupa fyakupepelelwa. Bena cinecine bakaba—bakaba abapokelelwa ukukwata icitupa cakupepelelwa. Kabili tuli no ku . . .

<sup>8</sup> Ndi nokupepelako abantu, kuku bika amaboko pali bena nokuba pepelako. Nombamba ngacakuti icicetekelo cenu tekuti cinine pa muulu mu Kusangwapo kwakwa Shikulu Yesu noku Mupokelela nga Kondapa wenu, kabili imwe mwacetekela ukuti ngacakuti twapepa nokubika amaboko pali imwe, ukuti ico kuti cayafwa, cisuma, ifwe icine cine tuli kuno ukucita icili conse cintu mulekabila.

<sup>9</sup> Umulandu Nacicisunkila kuntanshi, inshita ntali, ukumona ukuti umuntu onse untu Ine ningakwanisha, uyu uwingema nokufika kuli Lesa pali ico cipimo. Kabili tatukwata abantu abengi ukucilapo. Kuli i . . . Icikulwa tecikalamba, eico

tatukwata abantu abengi saana. Kabili kuti twasenda mailo akasuba nokupepela bonse abo tukwete muno, ukubikako akasuba ku mulandu waico, uwakupepela abalwele.

<sup>10</sup> Kabili tuli kuno kukucita icili conse cintu ifwe ico twingacita ukwafwilisha ukulenga ubumi buwamineko kuli imwe, ukwangusha icisendo, muli ululwendo tulimo.

<sup>11</sup> Elyo kabili pa nshita iili yonse, intu uuli onse engomfwa ukuti—ukuti ena kuti atemwa ukwisa kuli Shikulu Yesu, temulandu ciputulwanshi ica mapepo, imwe iseni ilyo line. Mwilolela mpaka ukwita kwa kucintamba kwacitwa. Mwilolela mpaka ubwite bwapelwa. Imwe iseni ilyo line, pokeleleni Kristu, no kwisa nokusumina Ena ilyo line. Pantu uyo emulimo wesu uukalamba uwa kuba kuno, kumona imyeo ukufyalwa mu Bufumu bwakwa Lesa.

<sup>12</sup> Kabili nomba, mailo nipa Mulungu, kabili kukaba isukulu lya pa Mulungu, ama chalichi. Umulandu ifwe tukwatila amapepo yesu akasuba, pa Mulungu, nipakuti tatucilingenye amapepo nangu yamo nakalya. Ifwe twalicetekela ukuti onse umwina Kristu afwile ukukwata i—i chalichi cakwe cintu ena ayako. Onse umwina Kristu afwile uku kumana ukuntu kumo pamo nabacetekela. Kabili ukuli konse kuntu mukumana, ico e chalichi.

<sup>13</sup> Nomba, ngacakuti Naikele kuno, kuti Naba wamulilumo pali aya amachalichi kuno, shintu aba bakakumba kuno, abaleampana, bemininako. Cinshi? Pantu bena bali pano nabekala pa cintamba, ku kumonwa ku bantu bonse, ukuti bena balasuminisha icile citika. Bena bacetekela muli uyu musango wa bupyungishi, ukundapa kwa Bulesa, ulubatisho lwa Mupashi wa Mushilo, nafimbipo. Bena bali pano ukupela ubunte kuli bwena. Nibena ebanjitile ukwisa kuno, ukuti nalimo ubupyungishi buntu Shikulu apela kuli ine kuti bwa afwilisha inkuta shabo.

<sup>14</sup> Nomba uyo ekakumba mwine mwine, uufwailisha bonse ubunonshi bwaku mupashi ubo enga cita, ubwa fintu fyonse Lesa alecita, ifyo ena aleesha namaka yakwe yonse ukwafwilisha i chalichi cakwe ukutwalilila kuli Lesa. Ine cinecine nafule cisote candi mukucindika kuli kakumba ngoyo.

<sup>15</sup> Kabili aba abaume balecitetfyo mu mafya, pamo. Imwe kuti mwacetekela ico ukuba icishinka. Bena balecicita mumafya. Kabili Ine—Ine cinecine ndetotela pali ishi mpalume shakwa Lesa, ishikabila ukusenda ififulo fya shiko napa ncende shashiko pa mulimo pakushininwa kwabo, no—no kucetekela. Lesa abapale lyonse!

<sup>16</sup> Kabili Ine ndi uwashininkisha ukuti bakamucitila icisuma. Nomba, ngacakuti uli mwene kuno, ipusheni uko ababamunyina bakwata amachalichi yabo, uko baba. Muka batandalile mailo. Bena bakakwata amapepo ayaibela, kabili pali bakapyunga

pano abakalashimikila kuma chalichi ayalekana lekana, kabili ngafintu cibibililwe. Eico mukabe kuli bena mailo.

<sup>17</sup> Kabili nomba mailo akasuba, ngacakuti kuti mwatemwa ukwisa kumapepo ya kwisalila, ifwe cinecine kuti twatemwa ukuba naimwe. Ama chalichi yonse, ifilonganino fyonse, yakuli bonse. Bonse bale itwa: Methodisti, Baptisti, Presbyteriani, Pentecosti, i chalichi cakwa Kristu, i chalichi cakwa Lesa, Katolika, aba Yuda baku Orthodox, ba mukanalesa, fyonse ifyo muli. Ifwe twa . . . Na mwitwa.

“Imwe mwatiila, ‘Mukanalesa?’” Ee, mukwai.

<sup>18</sup> Ngacakuti mukanalesa kuti aisa mu musonkano nokwikala nokuicindika, ena naitwa kwatifye ngo uli onse. Cisuma. Icintu cimo, ico eco ifwe tule mufwaila kuno, ukuti icintu cimo cinga citwa icinga mwafwilisha ukumona icilubo cakwe, nokwisa kuli Shikulu. Pantu ifwe . . . Cinecine.

<sup>19</sup> Nibanga babelengapo icimonwa cinono cintu ipepala lya lyashi lyaba Bashi Makwebo abena Kristu lya sabankenye, kabili Ndesubila na mapepala nayambi ayelya- . . . , pa, *Ukulolesha Ukupula Pa Cipempe Ca Nshita?* Nomba ico cacine, cibusa. Iwe tekuti weshe ukupusa cilya. Ine—Ine naba umuntu umbi ukutula ilyo. Ine ninjishiba ukuti cena cituntulu, eico Ine—Ine—Ine ndecetekelafye ukuti pekaba nangu umo uwa kupusa ulya Muulu ukalamba untu Lesa akwatila abacetekela. Ngacakuti mwacita, finshi fintu mwanonka pano isonde? Pantu, imwe tamwaishiba inshita mukafuma pali ili sonde. Lelo imwe ishibeni icintu cimo, imwe cinecine mukalisha. Eico ngacakuti ico cishinka, nomba bushe ifwe tekuti tube abapumbu nganshi ukweshu uku—ukusendafye nga . . . Ifwe tatufwile ukulaesha. Mwamona, ibukisheni fye, cetekeleni i Cebo cakwa Lesa no bulayo bonse muli Cena.

<sup>20</sup> Tontonkanyenifye, cinshi calengele ubulwele bonse, ukukalipwa kwa mutima konse, imfwa yonse, ubwafya bonse, ubulanda bonse, uyu mwana munono uwa musamfu, fyonse ifi fintu, ifilema, impofu, icipatala conse ukukulwa? Mulandu umuntu umo tacetekelefyeyo iciputulwa cinono ica Cebo. Uyo ali ni Efa. Satana acifimbilepo fye kuli ena. Teku cambula, lelo acifimbilepo kuli ena, atiile, “Cinecine . . . Shikulu musuma nganshi.”

<sup>21</sup> Imwe mulomfwa ilingi palwa cena ukuba, Lesa ukuba Lesa umusuma. Ena ni Lesa umusuma, lelo ibukisheni Ena ni Lesa wa mushilo, Lesa uushinga lekelesha ulubembu. Amalipilo yalilipilwa, na iwe ufwile ukucipokelela pa mulingo Wakwe. Kabili ibukisha, Ena ni Lesa uufulwa, Lesa wa cipyu. Kabili ukeminina kucinso cakwa Lesa umukali, te Lesafye wabusuma noluse. Muno bushiku Ena Mupusushi obe; bulya Bushiku Ena akaba Mupingushi obe.

22 Eico shininkisha ukuti taushile nangu cimo ici shicitilwe, mune. Cena—cena taca...Cena tacafwa. Wi—wiya kuli cena mukupumikisha. Ba uwashininkisha, uwashininkisha na libili, pantu tawakakwate nalimbi ishuko. Ili eshuko lyobefye, ilintu uli pe sonde. Ibukisheni umwaume wafyuma na Lazaro.

23 Kwali umupokapoka uukalamba pakati ka iwe na Ena, icakuti takwatalile akuba umuntu ukuciluka, nangu uukaciluka. Mwamona? Lintu iwe—lintu iwe wafwa, eifyo fine. Ninjishiba abantu batila kuti bapepa uku mibweshwa ukufuma kuli isho ncende, lelo mwi esha kucetekela ico. Ico capusana ku Cebo cakwa Lesa. Mwamona? “Uko iciumuti caongamina, eko ciwila.” Kabili Yesu atiile, Umwine, ati, “Kwali umupokapoka, icakuti, lintu umuntu afwa no kuya kumbo, ena tekuti (abale) ese ku Muulu. Takuli muntu uwatalile ku uciluka, kabili takwakabe.” Eifyo fine, ukulingana na fintu Ine naishiba. Lintu Yesu atilile ifyo efyo cali, epela.

24 Eico ibukishenifye, nomba lishuko lyenu, kabili muno bushiku kuti caba lishuko lyenu ilya kulekelesha.

25 Bushe kuti mwailuka icilecitika? Ngacakuti kuti mwacimonafye! Ine ndesubila ta muletontonkanya ukuti ukusosa ngefyo, ukuti Ine nde esha ukumongola kukulolesha kumuntu umo, nangu ukucetekela umuntu umo. Ine nshileciteco, cibusa. Ndeesha ukumulenga ukucetekela Uo ali untu tuli mu Kubapo kakwe nomba. Yesu Kristu, Lesa wine eukamipingula pali bulya Bushiku, ali pano ukuilanga Umwine ku cinso cenu, icintu cine cintu Ena alaile Ena ukucita muli ishi nshiku shakulekelesha.

26 Ndetontonkanya Munyina Price, ulucelo ku mwikulo, acipela icilangililo icisuma nganshi icakufika pacifutu, elyo nokwaluka pacifutu. Bushe imwe mwaciipakisha ico? [Ulukuta lwatila, “Ameni.”—Kale.] Cinecine acicita. Cena caciba saana, cacibikwa bwino saana.

27 Nomba, eico ubukisheni, limolimo pa cifutu, lelo natwibukishe ifwe tufwile ukwaluka pafifutu ifi. Ine nalishimikile pali ico, inshita imo, nokuciita, *Amampatu*. Ifwe tulafika pamampatu, ilingi, ifwe tufwile ukuya *iyi* inshila kabili munshila ishapusana pusana.

28 Nomba muno bushiku, pali ba mineti banono abalankapoko, Ndefwaya ukubuula isambilisho lya—lya: *I Shiwi Lya Cishibilo*. Kabili nomba incende yesu yaisukila, muno bushiku, mwi Buuku ilya Kufuma, kabili *ukufuma* cipilibula “ukufumina kunse; ukufumishiwa kunse.” Nomba esheni ukukutika nganshi.

29 Ine kuti natemwa ukushimikila kuli imwe inshita, imwe muli ibumba ilisuma nganshi, lelo Nshikwetefye ishiwi. Kupatikishafye, kabili Ninjishiba fintu cingaba. Ine mfwile ukutushako panono nomba, pali nalimo inshiku cine konsekonse nangu inshiku ikumi, lintu Nshilatampa umusonkano

ulekonkapo. Mwamona, teuno umofye umusonkano kuno. Cili musonkano, ubushiku no bushiku, umulungu no mulungu, umweshi no mweshi, umwaka no mwaka, mwamona, kabili kuti mwa elenganya.

<sup>30</sup> Kabili tontonkanyeni pa miku yonse, umwaka no mwaka, cena tacabala nangu muku umo Ena atalile ukusosa icili conse kano icali icapwililika, icishinka fye; mu ndimi shonse, ukushinguluka isonde lyonse, imiku cine lubali. Mwamona? Takuli muntu, nangu kumo, uunga landa kano ico icapwililika, petonifye, inshita yonse. Lintu Ena atiila icintu cimo cili nokucitika, cena cacitikefye mu nshileyo. Ukucisosa pa milungu ne myeshi, nemyaka, nelyo, tacilati kucitika, kabili cena lyonse ukuba fye petoni. Tacabala kufilwa umuku nangu umo, kabili tacakatale, pantu uyo ni Lesa. Nomba, kuti Nafilwa, ngo muntu. Mwika talakulolesha kuli ine ngeca kumwenako, pantu Ndi—Ndifye nga imwe, umubembu fye uwa pusushiwa ku kusenamina. Lelo uyo ni Lesa, uwapulamo, mwamona, uku ilanga Umwine. Ena tafwile ukucitefyo, lelo Ena alaile Ena ukucicitita.

<sup>31</sup> Yesu aundepe pakuti cingafikilisha i Cebo. Ena acitile ifyo fintu pakuti i Cebo cakwa Lesa cingafikilishiwa.

<sup>32</sup> Eco Ena alecicitila ileelo, ukuti i Cebo cinga fikilishiwa, cintu Ine ng'ambwila imwe, ubushiku no bushiku.

<sup>33</sup> Nomba moneni nomba ilyo Ukusangwapo Kwakwe kuli mupepi, Cena, cinecine Cileta imyumfwile. Ngafintu Nacisosa muno lucelo, “Icili conse icishakwata imyumfwile califwa.” Kabili imipepele yonse iyabula imyumfwile kuli yena, imwe cawama ukuishika, yalifwa. Cena cilaleta imyumfwile. Ena alatulenga ukuba abamweo. Lelo ilyo twalengwa ukuba abamweo, natwibukishe Uwatulengele ukuba abamweo. Cinshi cacitile? Kwena Kusangwapo kwa Mupashi wa Mushilo, Yesu Kristu pakati kesu, ukuilanga Umwine ukuti Ena wa mweo. Te mubili wa buntunse; ilyo iyo nshita, ulya mubili wabuntunse ukabwela ukufuma ku Muulu, takwakabe inshita nakabili. Eifyo fine. Kabili ifwe natwishiba ukuti emotuli, ukwikalila munshiku shakulekelesha, ilyo ifi fintu fifwile ukucitika.

Nomba, Lesa aliba nokufuma nakumbi intanshi. Kwaliba i . . .

<sup>34</sup> Ifintu fyonse fyendela patatu, kuli Lesa. Lesa apwililika muli butatu. Ukwisa kwakubalilapo ukwakwa Kristu, ku *kulubula* Nabwinga Wakwe; ukwisa kwa bubili kwakwa Kristu, ku *kupokelela* Nabwinga Wakwe; ukwisa kwa butatu ukwakwa Kristu, *pamo na* Nabwinga Wakwe, kukutungulula mu Mileniamu. Ifintu fyonse fyendela patatu.

<sup>35</sup> Nomba, kwaliba, kukaba, ukufuma kutatu. Kumo pali uko, Lesa abengishe *mu* cibwato, kukufuma, ukunina pa muulu we sonde. Umuku wakonkapo, Lesa aba *fumishe* mu—mu Egupto.

Kabili umuku wakonkapo, Lesa *abemya*. Ukwingila, ukufuma, ukwima! Ukufuma kulekokampo kwima ukuya. Ifwe tulelosha kuli kumo nomba, inshita ya kwima.

<sup>36</sup> Cimo cine ngafintu ubumi bucita icintu cimocine. Ifwe twisa *mu* mweo, *twafuma* mu mweo, *twabuka* ku mweo, icintu cimocine fye. Eico ifwe tuli. . .

<sup>37</sup> Ilyashi lyesu muno cungulo lyatampila pakufuma, kabili Lesa aleteyanya ukusenda uluko Lwakwe.

<sup>38</sup> Israeli luko. Lesa tabomba na Israeli ngo muntu palwakwe. Israeli luko, lyonse abombele na bena. Kabili na munshiku sha kulekelesha, panuma ya ku—kuya kwa Chalichi, nomba Lesa akapususha Israeli ngo luko. Luli nomba mu calo ca luko, ulwa iteyanya kulico. Kabili bena bakapusushiwa, Baibele yalisosa, “Uluko lukafyalwa mubushiku bumo.” Lesa tabombela paba Yuda ngo muntu umo. Ena abombela pali bena ngo luko, Israeli, lyonse, pantu lwena luko Lwakwe.

<sup>39</sup> Kabili kuno Ena aleteyanya uku fumya uluko Lwakwe mu luko, mukufuma, ukufumya abantu Bakwe mu bupingushi.

<sup>40</sup> Kabili amenshi yena ayalengele isonde ukwibila, ya puswishe Noa. Mwamona? Kabili u Mupashi wa Mushilo, untu abantu balekana ileelo, ukapokelela u Lukuta noku Lusumbula, nokuleta ubupingushi pa bashi Uetekela.

<sup>41</sup> Yesu atiile, lintu bena baitiile Ena, “Belesebu,” mu mashiwi yambi, Ena ali “ni kabuka,” bena. . .Ena atiile, “Ine nalamwelela palico,” (U Mwana wa muntu, ilambo talyali talilapelwa.) “lelo ilyo Mupashi wa Mushilo akesa ukucita icintu cimocine, ishiwi limo ukupinkana na Ena tacakelelwe muli lino isonde nangu isonde ilileisa.”

<sup>42</sup> Cena cifwile ukukanwa, elyo nomba ubupingushi bukoma panuma yaico. Mwamona, ubwafya nifwe. . .

<sup>43</sup> Cantwala kulyashi inshita imo Nasomene, palwa wapamumana ukufuma kumumana, kabili u—u munono kashika umu Ngeleshi aleya ku mumana. Elyo nomba yu kashika alembele nganshi palwa bemba, lelo tabalile aumona, eico ena aleya mu musebo. Kabili nomukote wapa mumana atiile kuli ena, ne mpaipi mukanwa kakwe, atiile, “Nikwi kuntu uleya, muntu wandi we musuma?”

<sup>44</sup> Ena atiile, “Ndeya kulya kuli bemba.” Ena atiile, “Ine nshatala umona. Nali lemba palwa ena, na pafyo bambi basosa, lelo,” atiile, “oh, Ine ndi uwa nsansa ukwishiba ukuti Ndepalamina kuli bemba.” Ena atiile, “Oh, ukununsha aya uko amenshi ya mucele! Ukumona ubukulu bwauko, amabimbi yabuuta pamuulu wauko, nomuulu wamakumbi makumbi ukumoneka uwine ngamu cilola, nokumfwa ifyoso lintu file pupuka pa muulu, oh, Ine ndi uwansansa pe tontonkanyo lya ku umona!”

45 Uwapamumana umukote atiile, “Ine nafyalilwe pali ena, imyaka amakumi mutanda iya pitapo, Ine nshimonapo ubusuma nangu bumo palwa uko.” Mwamona, ena amwene ifingi nganshi ifya uko mpaka calibelele kuli ena.

46 Nomba ubo ebwafya ku chalichi caba Pentecosti ileelo. Lwena lwali mona nganshi pafya kwa Lesa, mpaka Lesa alibelela kuli bena. Mwileka cicitefyo!

47 Kuno tekale sana, mu Louisville, Kentucky. Uko Ine natula, Jeffersonville, Indiana, ali bushilya bwa mumana kuli ena. Namayo aleingila mwituka litwa ten-cent. Kabili ena ali. . . aikete akalumendo mu kuboko kwakwe, kabili aleya uko bashitila kabili ali mupepi no kufulwa. Aleti abuula icintu cimo, acilanga ku kalumendo; kena kaleikalafye nokulolesha. Umwanakashi aya pambi, nokubula icintu cimo nokulanga akalumendo; kena kaleloleshafye. Elyo panuma yakashita, umwanakashi abulile inyenjele inono nokutendeka ukuilisha, lelo akalumendo kaleloleshafye. Kabili umwanakashi atampile ukupunda, nokutandanya amaboko yakwe. Kabili abantu mwituka lya ten-cent bale mutamba, eico bena baile kuli ena kukwipusha icalubene.

48 Umwanakashi atiile, “Ine ndi. . . Akalumendo kandi,” atiile, “ena alifye ne myaka itatu.” Kabili atiile, “Ine. . . Apopenefye, nalimo umwaka wapitapo, ena ekalafye nokulolesha mulwelele.” Kabili atiile, “Ine—Ine namutwele kuli shing’anga,” kabili atiile, “na shing’anga a mubikile pa miti imo nafimbi.” Kabili atiile, “Nashing’anga anjebele, ileelo, ukuti ena alentonkanya kena ukubako bwino. Lelo,” atiile, “kena takaliko bwino.” Atiile, “Ine nintambika fyonse kucinso cakako, ififwile ukucebwishwa umwana munono uwamyaka yakwe, ukucebula. Ifintu fyonse ifinga cebusha umwana munono uwamyaka yakwe, Ine nalifilanga kucinso cakako, nakena kekalafye nokulolesha mulwelele.” Atiile, “Kena takaliko bwino.”

49 Ico cimo nge chalichi ca Pentecosti. Lesa alilanga ica bupe conse, mu Baibele, ku cinso cabo, nabo bekalafye nokulolesha mulwelele, kwati cintu cimo icalubana. Ni nshita intu ifwe tufwile ukushibuka, bane, lintu tailapwa. Ibukisheni, Lesa talanga ifyo ifyabupe kano Alefwaya ukumucebusha.

Lesalefumya uluko mu luko.

50 Kwati fintu Alecita nomba, ukuya ukufumya Nabwinga mu chalichi, ukusha ulubuto ulwashalapo ulwa mwanakashi. Abasalwa bakafumishiwa mu chalichi. I chalichi cakumubili lukashala pano ukupita mubucushi. Balya *abasalwa* limo betwa “abasontwa, abasalwa, abashalapo.”

51 Natumone ifyo Ena acicitile ilyo, pantu Ena tapilibula inshila Yakwe iya kucitilamo ifintu. Lesa akwata inshila imo iya kucitilamo ifintu, kabili iyo e nshila Ena acitilamo, neyo e nshila



yalungama, lyonse. Moneni fintu Ena acicitile, na mumusango Acicitilemo, elyo nomba ifwe twingamona palwa ici.

<sup>52</sup> Nomba, Ine nine kapashanya, cinecine. Ine nshasambilila. Ine mfwile ukulolesha kunuma no kumona fintu Ena acitile. Kabili ifwe twafundwa ukuti, “I Cipangano ca Kale cali cinshingwa cafintu ifili nokwisa.” Eico ngacakuti Ine naloleshe uku nokukana mona ukuboko kwandi, kabili Ine namona icinshingwa cakuboko kwandi, elyo Nali neminwe isano, Ine kuti nakwata ukwishiba bwino ukuti ilyo ukuboko kwandi kwafika palya, Ine ndi ne minwe isano. Eico icacitike kuli bena cali cakumwenako kufyo Lesa acita ifintu, ifintu Ena acita nomba.

<sup>53</sup> Kabili nenshila Ena acitilamo, Ena tapilibuka kuli ico. Cila nshita, muli Baibele, Ena tapilibuka munshila Yakwe iya kucitilamo ifintu. Kutwalilila cimocine, pantu inshila Yakwe iyapakubala iya kucicitilamo e nshila yapwililika. Pantu, tekuti Abe nenshila imbi, pantu Ena alipwililika, kabili, Ena, inshila Shakwe shonse shalipwililika. Lolesheni fintu Ena acicitile.

<sup>54</sup> Mose aitolwe nokulashikilwa libela kukusenda uyu mulimo untu ena ali, ena akwete—ena ali sendele. Lesa . . .

<sup>55</sup> Nomba, Ndetontonkanya, ngacakuti imwe kuti mwacisuminisha . . . Kabili Nshilesosa ici mukwangufyanya. Ndesosafye, pali ici cintamba, Nsha—Nsha shaishiba nangu cimo kabili nshilefwaya ukwishiba nelyo cimo kano Lesa. Nomba, Ndetontonkanya apo epo bamunyinefwe baku Latter Rain balifulunganishiwa, mwamona, bena bababika amaboko pali umo no munankwe nokuba panga bakasesema na fimbipo. Nomba, ico teca mu Malembo. “Ifyabupe nobwite tafyaba na kulapila.” Iwe ufyalwa fintu waba. Iwe waba, pa kutendeka, ifintu waba.

<sup>56</sup> Lolesheni kuli balya aba Farise munshiku shapitapo. Bena bakwetefye ulubuuto ulunono, pantu bena bale . . . bakwete ifunde, kabili bena baikalile kwifunde, lelo mukati kamitima yabo mwali imfifi iyakuti.

<sup>57</sup> Kabili kwali umwanakashi umunono, cilende, ubwakwe . . . ubumi bwantanshi *uku* bwali ubwafita nganshi, ena ali nobubile bubi, lelo mukati kamutima wakwe ena alilashikilwe libela ku Mweo.

<sup>58</sup> Kabili lyena lintu Yesu, i Cebo, aishile pa ncende, balya aba Farise batiile, “Uyu Mwaume Mukalamba wafiwa.” Cinshi cena cacitile? Cena cafiishishe ulubuuto lunono bena bakwete.

<sup>59</sup> Yesu atiile, “Imwe muli bakwa shinwe, ciwa, elyo mucita imilimo yakwe.”

<sup>60</sup> Lelo lintu uyu munono, umwanakashi mubi aishile, nokumona i Cebo cakwa Lesa, ena ali Cishibe. Taleikalila Cena, lelo ena ali Cishibe. Kabili ilyo linefye Casosele kuli ena, umwanakashi atiile, “Ndemona Nimwe Kasesema.” Kabili

Ena... Umwanakashi atiile, “Ine ninjishiba Messiya ali no kucita ifi.”

Kabili Ena atiile, “Nine Ena.”

<sup>61</sup> Cinshi cacitile? Cena cawemye ukufita konse nokucilenga conse ukubuuta. Cinshi? Mwali ulubuto mulya, ulubuto ulwalashikilwa libela ulwali mukati ka...Cena cali litontonkanyo lyakwa Lesa ilyo umufula we sonde taulati ubeko.

<sup>62</sup> Kwabafye imibele imo iya Mweo wa Muyayaya. Ngacakuti uli no Mweo wa Muyayaya, ninshi iwe wine wali mwitontonkanyo lyakwa Lesa lintu isonde talilalengwa. Iwe uli mibele ya matontonkanyo Yakwe, pantu u Muyayaya tawatalile autendeka kabili teti ube nempela. Iwe uli ciputulwa cabunonshi bwakwa Lesa, lyonse. Cena cilelangafye. Cileisa mukuba nomba. Nabakwata nacimbi icikope icakufumya, ico nimfwa, nomba icinshingwa cabe cituntulu, nomba iwe uli muli Nabwinga pamo na Kristu, ngafintu Ena atontonkenye. Ngo mukashi nomulume, ileelo, eico Lesa, Kristu ne Chalichi bakaba cimo cine. Nomba, abasalwa, abaitwa!

Mose alifyelwe, “umwana uwayana.”

<sup>63</sup> Yasosefyo Baibele, ukuti, umu muli bakasesema, Yemia, Lesa atiile, “Lintu taulati nakupangwa mwifumo lyakwa noko, Ine nakulashike kasesema ku luko.”

<sup>64</sup> Yohane Kabatisha, cinshi, ena alishibikwe mu Malembo. Esaya, imyaka imyanda cine lubali ne kumi na ibili intanshi yakwisa kwakwe, atiile, “Ena e shiwi lya ulepunda mumatololo, “Teyanyeni inshila yakwa Shikulu!”” Kabili nalimo imyaka imyanda ine intanshi ya kumoneka kwakwe, nakabili twasanga, Malaki atiile, “Moneni Ndetuma inkombe Yandi muku Ntagilila, mukuteyanya inshila kuntanshi yakwa Shikulu.”

<sup>65</sup> Mwamona, ena alashikilwe libela. Kabili e cimo na yonse ayo ama ofeshi yakwa Lesa, ngacakuti baitwa na Lesa.

<sup>66</sup> Ngacakuti bena basambilishiwa muli cena, cilifye abashilika batangisha kukusole ifipolopolo, mwamona, tekuti cibe nangu cimo. Ngacakuti litikiti lya cakulya, lyena imwe mushitisha insambu shenu petikiti lya cakulya, imwe mukasuminisha ukuba pamo na kabungwe nangu ibumba limo. Lelo ngacakuti cakuli Lesa, imwe mukeminina pamo na cilya Cebo, nangu cibe shani, pantu mwafyalilwe ukwiminina Naco.

<sup>67</sup> Mose, takwali nangu umu uwali no kubuula icifulo cakwe. Takwali nangu umu uwali no kubomba umulimo. Ena alashikwe ukuucita.

<sup>68</sup> Kabili, mwe babwananyina, inkanshi, ngacakuti imwe mwalikwata u Mweo wa Muyayaya, imwe mwali lashikwa ukucita icintu cimo. Limbi mwanakashi wapa ng’anda umusuma, limbi cintu cimbi, lelo takuli nangu umu uunga buula icifulo cobe. Lesa ali kupangila icifulo cobe. Wiesha

ukubuula icifulo camuntu umbi. Ifyo kupashanya kwa bumubili, mwamona, cilanga ukuti kuli cimo icilubene naiwe. Ba fintu waba, ifyo finefye. Wiba icintu cimbi.

<sup>69</sup> Nomba, elyo ifwe twasango kuti Lesa apele Mose ifishibilo mukushininkisha fintu ali nobwite.

<sup>70</sup> Kabili ne cishibilo conse icacine, conse icishibilo cacine, icatunwa ukufuma kuli Lesa, i. . . cilakwata ishiwi panuma yaciko. Nomba mwifilwa. Ili e sambilisho lyandi ilya kulekelesha pali ici, mwamona. Conse icishibilo ca cine. . . Nomba twalikwata ifishibilo ifishafuma kuli Lesa; Satana kuti apashanya icili conse icabapo. Lelo icishibilo cacine, icafuma kuli Lesa, calikwata i Shiwi lyakwa Lesa panuma ya ciko.

<sup>71</sup> Lesa atiile kuli Mose, “Ngacakuti tabacetekele ishiwi lya cishibilo capakubala, lyena ukacita ici cishibilo cibiye kucinso cabo. Kabili nomba ngacakuti tabakomfwe ico, ukabulefye amenshi nokupongolwela pa mushili.” Kabili ico cali cishibilo ukuti bena bakatumpikwa mulya mumulopa wabo.

<sup>72</sup> Moneni, kabili cimo cinefye ngafintu Ena alandile, “Kunta ulukungu ukufuma ku kakasa yobe. Kuti caba ica yanguka kuli Sodomu na Gomorra, bulya bushiku, ukucila pali uyo musumba uuka kana imwe.”

<sup>73</sup> Nomba ifwe tatuli chalichi icile *angala*, ici e Chalichi. Kristu e Chalichi. Ifwe tuli muli Kristu. U Mubili wa mupashi uwankama uwakwa Kristu, ifwe twafyalwa muli Wena. Imwe tekuti mulunde kuli Wena.

<sup>74</sup> Ine naba pamo nolupwa lwaba Branham pepi ne myaka amakumi yasano na yasano, na bena tababala abanjipusha ukuilunda kulupwa. Ine nafyelwe Branham.

<sup>75</sup> Kabili ifyo eflyo uba umwina Kristu. Iwe ufyalwa umwina Kristu, tekuilunda muli bwena. Iwe ufyalwa muli bwena. Abantu bonse batiina ukufyalwa. Bena bakwata inshila imo iisuma iyabusaka iya kwikata ukuboko ukunono, nangu uku saina akacitupa, nangu ukusanswa umucele namenshimo. Uko tekufyalwa. Ukufyalwa cintu ca busali. Ukufyalwa cintu i-i cibi. Ine nshilesakamana ngacakuti nimwicinka lya nkumba, nangu i-nangu muputule wakusungilamo icani, nangu nimumuputule wa kashikila uwayemba uwa mucipatala; ukufyalwa kwa busali, kabili cilenga iwe ukuba mubusali. Iwe taulefwaya ukuleka, iwe taulefwaya *ici*, *cilya*, nangu *icibiye*, lelo ifilamba fikasamba ilangi kucinso cobe nokukulenga ukuba umuntu umbi. Ngacakuti wafyalwa cipyacipy, cikalenga iwe ukuba mubusali, lelo ukafumamo icibumbwa cipy. Mwamona? Bena tabafwaya ico. Bena bafwaya inshila imo iyaanguka, namwishiba, kabili takwaba inshila ishaanguka. Ngo lwimbo, ena atiile, “Ine nkasenda inshila pamo nabanono abasulwa abakwa Shikulu.” Ena tafwaya kuba cilimwa icakutapilisha.

Conse icishibilo cacine icakwa Lesa cikonkwapo ne shiwi lyakwa Lesa.

<sup>76</sup> Nomba ngacakuti umuntu apela icishibilo mucalo, nangu inshita iili yonse, kabili ilyo ishiwi lintu asosa panuma ya ciko talili Cebo cakwa Lesa, nomba loleni, mwicicetekela. Ngacakuti lisukulu lyakale, ngacakuti umuntu aima nokutiila, alanga icishibilo ukufuma kuli Lesa, kabili isambilisho lya uyo muntu limo line ilyakale ilya masambilisho yabulesa yantu mwaba nayo iyi myaka yonse, Lesa tatumine ico cishibilo. Lolesheni mu Malembo nokumona nga efintu cali. Fwayeni mu Malembo. Umuntu abwela, nokutiila, “Nomba ifwe bonse tulefwaya ukuilunda kuli *ci*. Cena caba kwampana kwakale ukwaimikwa.” Mwicetekela ico. Ifwe twalaingila muli ico, ba minetifye abanono, mwamona. Iyoo, mwicetekela ico.

<sup>77</sup> Lesa lyonse alashininkisha ifishibilo Fyakwe. Icishibilo ukufuma kuli Lesa lyonse cilanda ishiwi lyakwa Lesa.

<sup>78</sup> Kabili ngacakuti lisukulu limoline ilyakale imwe mwakwata, cinshi Ena enga pelela icishibilo? Imwe mulimo kale. Ena aleesha ukumubika kuli cilya cifutu. Icishibilo iminina! Nashako! Lolesha kuntu uleya! Imwe mukapitilila pa cifutu ngacakuti tamulemona. Pali ulunshoko ulukalamba, kabili lyonse palaba icishibilo palya ilintu tamulafika pa kushoka uku, kukumutalusha mukucita ubusanso. Ba kakuula basuma aba misebo balapela ifishibilo. Kabili ifwe tuli palwendo ukuya ku Bukata. Kabili ngacakuti icishibilo calanda pali cimo cine icintu cakale, cena tacafumine kuli Lesa.

<sup>79</sup> Lesa apela ifishibilo ku kucebusha abantu Bakwe. Ifishibilo fyakucebusha abantu bakwa Lesa, eflyo icishibilo cakwa Lesa caba. Ifishibilo fyakwa Lesa fipelwa ku kucebusha abantu bakwa Lesa.

<sup>80</sup> Nomba apa icimpusa caleaka umulilo cali cishibilo mukweshu, ukucebusha kasesema, pantu kasesema ali butwike ukufuma kuli Lesa, na Lesa apele i cimpukusa icalepya nge cishibilo. Kabili ena amwene ici icishibilo iceni; ena atiile, “Ine nala alukilako ku kumona ico ici cishibilo iceni cili, icakuti i—i cimpukusa cileaka umulilo lelo tacilepya.” Nomba Lesa alecebusha kasesema Wakwe uwabutwike. Ena nga alibulile umbi, lelo Alashike Mose kumulimo kabili temuntu umbi uwingasenda icifulo cakwe.

<sup>81</sup> Mulwendo, bamo abantu bafwaile ukucicita, namwishiba. Datani aimine nokufwaya ukupanga akabungwe ukufuma muli cena. Lesa aebele Mose, “Ipatule wemwine. Ine nala bamina.” Mwamona?

<sup>82</sup> Lesa abomba nomuntu palwakwe. Mwamona? Nomba moneni ici, Ena ale esha ukucebula kasesema, kukuleta kasesema mucifulo cakwe icalungama, mwamona, kabili Ena apele icimpukusa caleaka nge cishibilo.

<sup>83</sup> Kabili, moneni, i Shiwi ilya konkele icishibilo lyali li Shiwi lya mu Malembo. “Ine ning’umfwa ukulila kwa bantu Bandi, nokuteta kwabo, ku mulandu waba kacikilisha, kabili Ine ninjibukisha ubulayo Bwandi.” Ameni. Eifyo fine. “Ine ninjibukisha ubulayo.” Ico cali i Shiwi lya mu Malembo. “Kabili Ndekutuma kulya. Ine ninjika muku balubula, kabili Ndetuma iwe.”

<sup>84</sup> Ibukisheni, Lesa tacita nangu cimo kunse ya muntu. Bushe mwalishiba ico? Ico e cipunwisha abantu. Mwamona?

<sup>85</sup> Ico e cabapunwishe palwakwa Yesu. Bena batiile, “Iwe uli Muntu, uleilenga ukuba Lesa.” Ena ali Lesa, lelo bena bafililwe ukucumfwa. “Ukuba, Iwe, ukubafye u Muntu.”

<sup>86</sup> Ena atiile, “Ukuba, imwe mwita ba kasesema, ‘balesa,’ kabili ne funde lyenu lilasuminisha cena. Kabili ngacakuti imwe mubeta ‘balesa,’ abo i Cebo cakwa Lesa caishileko, kuti mwa Nseka shani ilyo Natila Ndi Mwana wakwa Lesa?”

<sup>87</sup> Mwamona, ifishibilo, mukucebusha. Kabili, ibukisheni, ngacakuti kwaba ukucebushiwa, cili mumutande umu wine uwakale, cena te Lesa.

<sup>88</sup> Lelo Lesa ale esha uku cebusha kasesema nomba, kabili Amupela icishibilo, ne Shiwi ilya konkele icishibilo lyali li Shiwi lyamu Malembo. “Ine nimona abantu. Ine ningumfwa palwa kulila kwabo. Ine naibukisha ubulayo Bwandi.”

<sup>89</sup> Nomba Lesa ali nokulanda ukupitila mu Cebo Cakwe icalailwe. Ena afwile ukutuma kasesema Wakwe, pantu i Cebo cisa kuli kasesema. Baibele yatiila, Lesa atiile, Umwine, ukuti, “Ena tacita nangu cimo kano Acisokolola ku babomfi Bakwe ba kasesema intanshi.” Mwamona? Elyo nomba, icishibilo ca pelwa, na Malembo ya ishibikwa, ilyo e Shiwi lya cishibilo.

<sup>90</sup> Mwamona i Shiwi lya cishibilo, cakwa Mose? Pa kubala, icishibilo cali cimpukusa caleaka umulilo; i Shiwi lyali e Malembo.

<sup>91</sup> Mose asendele ico nge cishibilo Cakwe, nokuya ku Egypto nokucita icishibilo cintu Lesa amwebele; kabili icishibilo calikwete i Shiwi kuli cena, na bantu bacetekele nokufuma. Kabili lyonse ilyo baleenda, balecita bwino; lelo ilintu batampile ukung’wintila kwi Shiwi, nomba baiminine.

<sup>92</sup> Ibukisheni, Israeli ali pa lwendo. Bushe mwalishiba uko bafikile? Bena nga bali... Bena baendelefye ba mailoshi amakumi yane, kabili pepi ne myaka amakumi yane balecitefyo. Cinshi? Nico pantu bena batampile ukuilishanya kwi Shiwi ilyaaletele icishibilo. Ifyo bena tabaishibe bwino, lintu bena balepunda palya pa mulundu, nokucinda mu Mupashi, na Mose ukwimba mu Mupashi, bena balifye inshiku shinono ukufika. Lelo bena batampile ukuilishanya, nokufwaya ukucita icintu icapusanako; kabili bena baikele imyaka amakumi yane

mu matololo, nokuloba umo mwine, ico cacine, pantu bena tabacetekele. Lesa atiile, “Bena tabalesusha iwe, Mose. Bena balesusha Ine.” Ilyo lyali li Shiwi lyakwa Lesa, te Mose.

<sup>93</sup> Nomba moneni, Yehovah ali nokulanda ukupitila mu Cebo Cakwe icalailwe, eico Ena afwile ukutuma ba kasesema Bakwe. Ico, ngacakuti imwe mulefwaya ukumona ico, ico cili mu Ukutendeka 15:16. Ifwe twasanga ukuti Lesa aebele Abrahamu, “Ulubuto lobe luka lebela muli ici calo iceni, kabili Nkaba fumyamo ku kuboko kwa maka. Amampulu ya bena Amori tayalati yafikilishiwe.” Yonse amalayo Yakwe yantu Ena apele, apa Ena alecebusha kasesema, ukupitila mu cimpukusa icaleaka umulilo.

<sup>94</sup> Nomba ngacakuti icimpukusa caleaka umulilo catiile, “Mose, Lesa ni Lesa.”

“Ee, Ine nacetekela ico.”

<sup>95</sup> “Oh, ulecitafye bwino, Mose, twalililafye. Iwe waupa umwanakashi umusuma; ena mwana umusuma. Cine cine walikwata umwana mwaume umusuma! Ubukata kuli Lesa!” Ilyo limo line isukulu lyakale. Mwamona?

<sup>96</sup> Lelo Ena ali uwaiteyanya ukucita icintu cimo, eico Ena ali nokucebusha uyu mwaume. Kabili Ena apele uyu mwaume ifishibilo fibili ifya kucita, elyo atiile, “Cila cishibilo cali ne Shiwi.” Ici cishininkisha ukuti cena cilifyo. Nomba moneni fintu ayo Mashiwi yasosele, nangufye bubumbo. Yehovah ali uwa iteyanya ukusosa nomba.

<sup>97</sup> Kabili, ukwisa kwakwa kasesema cena cishibilo. Bushe mwalishiba ifyo? Ukwisa kwakwa kasesema, ku nkulo, cishibilo.

<sup>98</sup> Nomba, Nshiletla Dokota wa Bulesa. Nshiletla umo kakumba uubela, umuntu umo umusuma. Abo bali bwino. Abo babomfi bakwa Lesa.

<sup>99</sup> Lelo kasesema cishibilo. Baibele yasose fyo apa. Kabili icishibilo canshi? Cishibilo ukuti i Cebo Cakwe cili mupepi no kufikilisha, ukufikilishiwa kwi Shiwi lya cishibilo cakwa uyu kasesema.

<sup>100</sup> Moneni, ukwisa kwa kwa kasesema cishibilo ca kusoka ica bupingushi ukuba mupepi. Bushe mwalishiba ico? Ubupingushi buli ubwaiteyanya ukucita ngacakuti kuli kasesema mu calo.

<sup>101</sup> Ibukisheni, ena sanasana, icakubalilapo, afwile uku shininkishiwa na Lesa ne Cebo ca iyo nshita, kabili elyo ena acita icishibilo. Kabili nomba lolesheni ico cishibilo, ifyo alesobela. Ena atiile, “Ngacakuti cena caisa citika, nomba mumfweni.” Impendwa 12:6. “Ngacakuti tacishile citika, cilabeniko.” Cena cifwile ukuba cishibilo ca mu Malembo cintu Ena apela.

<sup>102</sup> Kabili icintu Ena apele nge cishibilo, umuku umo, ngacakuti Ena umowine mailo, ileelo, no muyayaya, lyonse Ena alacita cimo cine. “I Cebo cakwa Shikulu caishile kuli ba kasesema.”

Bena bali i Cebo. Kabili ilyo Yesu aishile, Ena ali i Cebo. Kabili i Cebo calengulwile amatontonkanyo na mapange ya mutima, ukutwalilila, nakabili na kabili. Nomba moneni.

<sup>103</sup> Ukwisa kwa kwa uyu kasesema, kupela icishibilo, ca, “ubupingushi na bufika,” lyonse.

<sup>104</sup> Natwiminineko pali ba minetifye banono. Ine nshakokole. Natu moneko fibili nomba, pali nalimo ba mineti ikumi. Ne yashala imbila, nakuba, pali ba mineti ikumi.

<sup>105</sup> Noa, kasesema pa calo—mu calo, i cishibilo ca kwisa kwa bupingushi. Mose, kasesema mu calo, icishibilo cakwisa kwa bupingushi. Eliya, kasesema mu calo, icishibilo cakwisa kwa bupingushi. Yohane, kasesema mu calo, icishibilo ca kwisa kwa bupingushi kuli Israeli; bena baliputwilweko.

<sup>106</sup> Moneni, icishibilo! Cinshi cintu i cishibilo cicita? Icishibilo kucebula, nokulenga abasalwa uku iteyanya, nokufuma munshila lintu ubupingushi tabulawa. Ico eco Noa acitile, alengele abasalwa ukuiteyanya. Abashala muli bena, kabili cinshi cintu cicita? Icishibilo, ne Shiwi lya cishibilo, cishinina uushacetekela nokumuteyanya kubupingushi. Cena cilenga abasalwa ukuiteyanya uku kupusuka. Ifyo eflyo icishibilo caba. Ifyo eflyo ifishibilo fipelelwa, ku bupingushi buleisa. Kubasalwa, bena balacimona.

<sup>107</sup> Kwati mwanakashi umunono uwa mutima walungama, no mubili wakoweshiwa; nomu Farise uwa mubili walungama, no mutima uwakowela. Cena casekele umo, no kupususha umubiye.

<sup>108</sup> Kabili bulya bwine ubupingushi ubwapuswishe Mose, bwasekele isonde; ukushimikila kwakwe.

<sup>109</sup> Cena cilenga abasalwa uku teyanya. Cinshi abasalwa baiteyanyako? Ilyo bena bamona icishibilo catumwa-na Lesa, bena balolesha mu Malembo nokumona ngacakuti cifwile ukubapo. “Ee, epo cili.” Bushe ico cinshi? Bupingushi bulelolela. Nomba abasalwa baktika kwi Shiwi.

<sup>110</sup> Lelo abashasalwa bala cisula, no kutiila, “Tamulimano. Akuya! Ifwe twalasenda isukulu limo line ilyakale.” Mwamona? Efintu bena bacitile munshiku shakwa Luther. Efintu bena bacitile munshiku shakwa Wesley. Efintu bena balecita—balecita nomba, ifyo bena bacita lyonse.

<sup>111</sup> Lelo cena cishibilo, kabili calikwata i Shiwi ilikonka i cishibilo. Kabili i Shiwi lishibikwa nge Shiwi lyamu Malembo. Nomba mwilaba ico. Nomba lengeni ico ukwingila, pantu limbi tekuti Ine mumone nakabili.

<sup>112</sup> Ine kanshi nga Nali ne nshila imo Ningeshilamo kuno ukuntu kumo nokubuula bonse ababwananyina, ilyo bena tabali ne misonkano yakupuputulwa, ukwimika i tenti nokwikalafye, ubushiku no bushiku, nokucifunda mpaka—mpaka caingila mukati. Lelo Ena tekuti asuminisheco, Ine

nshilentonkanye ifyo. Mwamona, ifwe tuli mupepi saana kumpela. Ine ndecetekela tulifye nomba kumpela.

<sup>113</sup> Mwi buuku lyandi mulya, lintu Nasunga umwalembelwe. Mu 1933, ulucelo lumo, naleiteyanya ukuya kwisukulu lyapa Mulungu, isukulu lyapa Mulungu ilya Baptisti uko Ine nali kakumba, u Mupashi wa Mushilo waishile nokunanga ukufika kunshita yampela, nokunanga ifintu cine lubali ifyali nokucitika. Ine nali filembele. Fyaba pe pepala lyakale ilya mutuntula.

<sup>114</sup> Anjebele bwinobwinofye fintu Geleman ali nokukuula ulya Siegfried Line, ne fintu abena America bali n kulopolwa nganshi pali wena, imyaka ikumi na limo lintu umu—umupaka taulati kukuulwa.

<sup>115</sup> Atille fintu Mussolini ali nokwima, nafintu ali nokuya ku Ethiopia, na fintu Ethiopia ali no “kuwa pa nkasa shakwe.” Kabili ali nokufwa uwasebana, ukufulamikwa, kabili abantu bakwe bena ukumufwishila amate.

<sup>116</sup> Kabili Natiile, “Kuli ifikomo fitatu: Komyunisimu, Fascisimu, na Nazisimu. Fyonse fikaitula mu Russia, mu Komyunisimu.” Kabili Yena i- . . . konaula bu Katolika. Moneni nga cena tacakacite!

<sup>117</sup> Ine natiile, “Ubuyantanshi bwakuti bu kacitika!” Ine natiile, “Ndemoni imyotoka iilemoneka kwati lini, ileenda mu musebo. Kuli imyotoka iileenda mu misebo ikalamba, iili na cimo ica musango wa kutungulula, bena tabafwile ukuitungulula. Ine namwene ulupwa lwacina America luleteya isolu kunuma yamotoka.” Nabaikwata iyo motoka ililine, ngacakutifye bena bengakwata imisebo ikalamba iyakuibikamo. Uyu unono Volkswageni linifye, nganshi, kabili cili nakumyotoka shonse ishibiye. Bushe kuti mwa elenganya, mu 1933, ifintu imyotoka shale moneka, ukufika nomba?

<sup>118</sup> Kabili nomba Cena casobele nakabili, ukuti, ukusuminisha abanakashi ukusala, nafintu bena bali nokucita. Kabili fintu cino calo, ukuba icipasho, kwati Israeli, caishile mucalo nokutamfyamo abekashi, nokupyana icalo. Kabili neshamfumu ishinono ishakubalilapo shintu bakwete, Davidi na Solomoni, shaletina Lesa. Panuma yanshita, bakwete Ahabu pacifulo. Bena bamusalile. Icipuna ca . . . i chalichi caishileba icesonde. Kabili, ifwe twali na Lincoln na Washington, moneni fintu cena cili ileelo. Moneni kuntu ifwe tuelolola nomba. Cinshi icintu cilekonkapo? Ifwe tuli panshita yampela.

<sup>119</sup> Kabili cena cishibilo, mububumbo, ifyo finefyeye. Cena cilenga abasalwa ukuiteyanya; nokuseka, kubupingushi, uushacetekela.

<sup>120</sup> “Ngacakuti uyu kasesema ni kasesema wa cishinka, na fintu alesosa fyaisa nokucitika,” Baibele yatiile, mu Mpendwa 12:6, “umfweni ukusoka kwakwe, pakuti nacishininkishiwa cena te muntu.” Uyu—uyu kasesema muntu. Lelo i Shiwi



ukufuma ku cishibilo capulamo e Shiwi lya Malembo, lyena nali shininkishiwa, nombamba ninshi cili kusoka.

<sup>121</sup> Baibele yalembelwe naba kasesema, ibukisheni. Muli Petro Wacibili, namo, 1:21. Mu ba Hebere 1:1, namo.

<sup>122</sup> I Ntumba ya Mulilo, kuli Mose, yali cishibilo, i Shiwi lyali no kusosa. I Ntumba ya Mulilo yalanglele ukuti i Shiwi lyali nokusosa. Ico cishibilo, i Ntumba ya Mulilo. Imwe mwe bantu mufwile ukwibukisha ico ukufuma ku Houston, tapapitile inshita.

<sup>123</sup> Mose, kasesema, icishibilo kuli Israeli, ukuti ubulayo bwali mupepi no kufikilishiwa. Iintu Mose aishile nokucita icishibilo cakwa kasesema, bena baishibe iliyoline ena ali noku bakolonganya pamo.

<sup>124</sup> Ifyo i Cebo cakwa Lesa caba bwino mu mutande, inshita yonse cimo cine. Nangu fye fintu Nasosele ubushiku bwafumineko, ifyo Urimu Tumimu, ne fintu fyonse, fyasuka lyonse kuli Lesa.

<sup>125</sup> Natubule kasesema nakabili, panono fye, Yona. Ine nacilemba chapitala 1 yakwa Yona apa, chapitala 1 apa iya busesemo bwakwe. Yona afumine mwifumo lya cisabi, cali cishibilo. Mwamona, balya bantu bali basenshi. Balepepa tulesa twapa mumana, kabili lesa wabo uwapa-mumana ali cisabi.

<sup>126</sup> Nombamba abantu abengi balesha ukuseka Yona. Ine lyonse nasenda ulubali na Yona. Yona tali kunse ya bufwayo bwakwa Shikulu. “Intampulo shabalungami shitungululwa na Shikulu.” Ifwe tulfwaya ukusosa, “Ena ni Yona.” Lelo ifwe natucisende nga . . . ifyo ciyene, umuku umofye. Ine ninjishiba ena ali nokuya ku Ninibe, lelo Lesa amulengele ukunina bulya bwato ukuya ku Tashishi. Kabili Ena alengele ubwafya ukwisa pali bamba.

<sup>127</sup> Yona atiile, “Kakeni amaboko yandi na makasa. Nine ndi mubwafya, nine ndengele.” Kabili ba muposele kunse. Kabili icisabi cale samba mu menshi, icisabi cikalamba ica minine Yona. Ine nalishiba ukuti cintu cakosa kuli scienci ukucetekela.

<sup>128</sup> Kuno tapapitile inshita, mu Louisville, Kentucky, nalimo imyaka ikumi yapitapo, bena bali ne-ne cisabi icali pa-citolokoshi. Kabili kwali umunono umo Ricky kulya, ena akwatishe amano ayo afililwe ukuteeka. Ena aleesha ukulenga Baibele ukusosa ubufi. Ena atiile, “Namwishiba, imwe mulomfwa ulya mulumbe wakale uwa mu Baibele, ukuti icisabi caminine Yona.” Ena atiile, “Moneni, imwe tekuti mubike umupila ukupita pa mukoshi wa ciko, wena waba uunono nganshi. Kuti umuntu umukulu aingila shani mwifumo lyaciko?” Atiile, “Mwamona, ena mulumbefye wa kale, nga fintu Baibele yaisulamo yena.”

<sup>129</sup> Ico cali cililemo ku kutontonkanya kwandi-kwandi. Ine natiile, “Mukwai, Ine kuti natemwa ukusosapo icintu cimo apo.”

Atiile, “Finshi ukwete ifya kusosa?”

<sup>130</sup> Ine natiile, “Mwamona, imwe tamwabelenga Baibele bwino.” Natiile, “Baibele yatiila ici cali icisabi icaibela. ‘Les a ateyenye icisabi icikulu.’ Ici capangilwe icaibela, ku kumumina, ico icalengele cicitwe! Cena tacali icisabifye. Les a ali nokucita umulimo uweni, eico Ena abulile isabi ilyeni.” Mwamona? Ena tabalile kusosapo nakabili palwa cena. Eico, cena, Les a ali ne cintu icaibela.

<sup>131</sup> Kwati mukashana umunono, inshita imo, alefuma kwi hema; umushishi wakwe nasakula ukutwala ku numa, kabili uwatelela, nganshi icakuti icinso cakwe cali kwati ni kanyense waubwa. Ena alifye na Baibele, aleya.

<sup>132</sup> Uyu umwaume umukote uwitwa Jim Dorsey aleikala ku Utica. Ena ali musenshi, umushilika wakale, elyo—elyo ena tacetekele muli Les a. Kabili atiile, “Nikwi kuntu uleya, mukashana?”

Ena atiile, “Ndeya ku ng’anda, mukwai.”

Atiile, “Cinshi ico usendele mukwapa?”

Umukashana atiile, “Ni Baibele.”

Atiile, “Iwe tawacetekela ico, bushe walicita ico?” Kabili ena . . .

Umukashana atiile, “Ee, Ine nali cicetekela, mukwai.”

<sup>133</sup> Kabili atiile, “Bushe wali cetekela lilya lyashi umo palwa cisabi ukumina Yona?”

Umukashana, “Cinshi, cinecine, Ine nali cetekela i Cebo conse ica iko.”

<sup>134</sup> Ena atiile, “Ni mumusango nshi umbi iwe winga cishininkishishamo ukucila pa cicetekelo, cintu mwita icicetekelo?”

“Cinshi,” umukashana atiile, “ilyo Ine nkafika ku Muulu, Nka mwipusha Yona.” Mwamona?

Ena atiile, “Nga ngacakuti ena takabeko kulya?”

<sup>135</sup> Umukashana atiile, “Kanshi imwe muli noku mwipusha.” Eico Ine natontonkenye ukuti cilya cali icisuma ica kulungamika. Eico Ine ndetontonkanya ukuti ico califye icalungama.

<sup>136</sup> Ngacakuti Baibele yatiile ukuti Yona aminine icisabi, Ine kuti nacicetekela. Ena kuti acipekanya. Ico Les a asosa, Les a kuti acita, kabili Ena lyonse alasunga i Cebo Cakwe. Eico, Yona, ifwe tula mutumfya . . .

<sup>137</sup> Nomba bushe mwalitala amumona? Isabi nga lilesamba, lilelunga ifakulya fyaliko. Kabili lintu lyena lyalya, lilya panshi no kubika utwakusambilako twaliko pesamba. Lisheni isabi lyenu ilya golidi no kumona icicitika. Lyena lisusha utufumo

twatuko, elyo lyena lyaya panshi no kubika utwakusambilako twabo panshi, no kwikala palya nokutusha.

<sup>138</sup> Ukuba, ici cisabi cikalamba ica teyanishiwe caishile nokumina uyu kasesema. Kabili caile panshi pesamba lya bamba, kabili nalimo pashika ba fathomu amakumi yaane. Lyena lyaibile panshi, nokutuusha pesamba lya bamba.

<sup>139</sup> Nomba ifwe lyonse tutontonkanya pali Yona. Kabili bonse batiila, “Nomba Ine nalipepelelwe, lelo ukuboko kwandi kucili cimocine. Ine nalipepelelwe, lelo Nshile umfwa bwino.” Mwilaesha ukuwela Yona.

<sup>140</sup> Nomba lolesheni pa fyalemoneka fintu ena ali nafyo. Nomba, ica ntanshi, ena ali pali bamba uwali na mabimbi, kabili ena afumine muntunga intu Lesa amutumineko. Amaboko yakwe namolu fyali kakilwe. Ena aposelwe mu wamabimbi, bamba waimine, ne cisabi ca muminine no kwibila panshi pe samba lya bamba. Kabili ena ali nalala mulya mu malushi, mwi fumo lya cisabi, ifyani fya mu mumana fyapombe mu mukoshi wakwe. Kabili ena nga aloleshe *uku* lubali, lyali lifumo lya cisabi. Ena aloleshe *kulya* lubali, lyali lifumo lya cisabi. Konse kuntu ena aloleshe, cali lifumo lya cisabi. Imwe mule landa pa mulandu wa filemoneka, ena limbi kuti alifikwete. Lelo namwishiba ifintu ena asosele? Ena atiile, “Bena bayangwe fipupu fyafye. Ine nshaloleshe cali fyena nakabili, lelo umukufye umo Ine nalalolesha kwi tempele Lyenu ilya mushilo.”

<sup>141</sup> Pantu, Solomoni, umuntu wa mumubili uwe sonde, uwapepele mukutula itempele, atiile, “Shikulu, ngacakuti abantu Benu baba mu bwafya ukuli konse, elyo balolesha kuli iyi ncende yamushilo, lyena mukomfwe ku Muulu.”

<sup>142</sup> Kabili Yona ali necicetekelo mufyo Solomoni apepele. Na Lesa amulubwile ukufuma mu cisabi, panuma ya nshiku shitatu akasuba no bushiku. Ena limbi kuti alibikile itenti lya mwela mulya. Ine nshishibe fintu Ena acitile, lelo Ena amusungile uwa mweo pa nshiku shitatu akasuba no bushiku, ukulingana naku Cebo. Kabili i Cebo ca cishinka.

<sup>143</sup> Ukuba, ngacakuti Yona, pe samba lya ilya mbela, kuti alolesha nakabili ku tabernacle iyo umuntu apangile, cicilepo kuli iwe na Ine, muno bushiku, uku lolesha kwi Tempele uko Yesu eminine ku kuboko kwa kukulyo ukwa Mfumu, no Mulopa Wakwe Wine, ukutupapatilako kukusumina kwesu, patuntu twesu utunono utulemoneka! Mwiseka Yona, kabili nomba lolesheni pa filubene na imwe. Lolesheni ku bulayo, “Lesa asosele ifyo!” Ngacakuti imwe muli bana bakwa Abrahamu, “Lesa asosele fyoy!” Ena apele ubulayo, epela.

<sup>144</sup> Moneni, abantu bonse bafumiine ku kuloba, kabili balekula amasumbu yabo nafimbi. Panuma ya kashita, aima atumpuka lesa wapa menshi, i cisabi, cileisa ku mulundu. Abantu bonse bawile pa makufi yabo. Lesa alishiba umwa kucitile fintu. Kabili

cena cafikile pepi nakumulundu no kufumya ululimi lwaciko, kabili, lintu cacitilefyo, uyu kasesema aisa aleenda ukufuma mukanwa kacisabi. Kasesema! Uyu lesa afwishile kasesema palya pene pa mulundu. E mulandu wine bena balapilile. Mwamona?

<sup>145</sup> Ico cali cishibilo. Yona ukuletwa ku cisabi, cali cishibilo. Cinshi ena acitile? Ico cali cishibilo ukufuma kuli Lesa. Cinshi cintu i Shiwi lya sosele? “Lapileni nangu ukuloba, munshiku amakumi yaane.” Icishibilo cakwa Lesa; i Shiwi lyakwa Lesa! Lyonse, lintu Lesa atuma icishibilo, Lesa alatuma i Shiwi Lyakwe ukukonka ico icishibilo. Moneni, “Lapileni, nangu munshiku amakumi yaane uyu musumba onse ukaloba.”

<sup>146</sup> Yohane ukwisa kwakwa kasesema pe sonde, panuma ya myaka imyanda ine ukwabula kasesema; icishibilo panuma ya myaka imyanda ine, ica ena ukumoneka. Ilya nshita inono iya kutusha!

<sup>147</sup> Nomba ngacakuti imwe muli ba mumupashi mwala umfwa cintu Ndesosa. Shi Lesa engesula ukumfwa kwenu. Papita inshita shani?

<sup>148</sup> Imyaka imyanda ine, Israeli uwabula kasesema, amachalichi yali ayanyongana nganshi, elyo nomba uyu waisa Yohane pa ncende. Yohane ali kasesema, icishibilo ukuti Messiya alinokusosa panuma yakwe. Loleni. Pantu, Malaki 3 atiile, “Ndino kutuma Inkombe Yandi kuku Ntangilila, ku kuteyanya inshila, ukuteyanya abantu.”

<sup>149</sup> Lolesheni kuli Yohane, tamwali bukaitemwa muli ena. Ena tabalile asenda ubukata ubuli bonse. Bena baeseshe ukumwita Messiya; lelo ena atiile, “Ine nshili uwayana ukukakula indyato Shakwe.”

<sup>150</sup> Lelo ilyofye Yesu amoneke, Ena ali ne cishibilo, i Ntumba ya Mulilo, u Lubuuto pa mulu Wakwe, nge nkunda ileika i Shiwi lileti, “Uyu e Mwana Wandu uwatemwikwa, Untu Ine mbekelwamo.”

<sup>151</sup> Moneni, kabili Yohane apopene atiile, “Ena afwile ukulakula. Ine mfwile ukulacepa.” Ena apele i Chalichi kuli Kristu. Amen.

<sup>152</sup> Ifwe twebwa ukuti, munshiku shakulekelesha, ico cikabwekeshapo nakabili! Kukaba i Mbila iikesa, iikalanga Messiya ku bantu. Kabili cikaba munshila iyakuti, bena cikabapapusha nga fintu bena bacitile ilyo. Ena alilaile ici. Chapitala yakonkapo iyakwa Mateo, iyakwa Malaki, itweba palwa cena. Loleni.

<sup>153</sup> Bena baipwishe palwa cena. Imibele yakwa Yohane ya mulangile mumupashi wakwa Eliya. Nomba moneni ba kasesema babili.

154 Nomba, Eliya ali umuntu uwaimine munshita shakwa Israeli, mu cimfulunganya.

155 Ahabu ali imfumu. Kabili abanakashi bonse balekopa kuli Yesebeli, nalimo umushishi uwaputulwa mumbali ne fyashala, kwati ngafintu tukwete ileelo. Kabili bonse bakonkelele Yesebeli. Kabili naba kakumba batontonkanye ico califye bwino. “Balekeni. Lekeni bena balecicita.”

156 Kabili pali ilya nshita, Lesa aimishe umwaume ukufuma mu matololo, uwe shina lya Eliya. Ifwe tatwaishiba nakuntu ena afumine. Ena takwete nesukulu lyakumwishibilako. Lelo ena aimine, nokususha fyonse filya. Ena asushishe imibele yonse.

157 Ngacakuti aishile pano, ileelo, ena kuti asusha imibele yesu nayo.

158 Ena asushishe Yesebeli onse. Kabili cena, pakulekelesha, cali mwanakashi uwa nashishe kasesema. Abutwike, nga Yohane; ailelala pesamba lya cimpukusa ca cifuti lintu Yesebeli alefwaya uku mwipaya. Ena ali mupatile.

159 Kabili nomba twasanga ukuti ilyo Yohane aishile, ukufuma mu matololo nakabili, katemwa wa mpanga, ne mbila iya ku banakashi ba nomba abaleikala abalekwa kabili ukupwa, no kupwa nakabili, ena aciputawile mu fipimfy. Ena tafumine kwisukulu nelyo limo. Ena afumine kuli Lesa, umwaume uwa tumwa na Lesa. Kabili asushishe abanakashi banomba, nganshi, kabili ena taleshinshikila. Lelo ena asosele pambilibili atiile inshita naifika, Messiya ali nokusosa. Lolesheni kuli ico.

160 Nomba pashanyeni inshita yakwisa kwa kubalilapo ukwa kwa Eliya na bamo muli aba bakasesema ba nomba aba leelo, ukuleka ba Yesebeli babo ukuputula umushishi wabo, no kufwala utuputula, ukupepa fwaka, icintu conse cintu bena balefwaya ukucita, ukulaba tungulula. Cawama ukukana sosapo nelyo cimo, umwanakashi akamusha, nokubula umbi. Ukula batungulula na masambilisho yapangwa no muntu; ico cansoni, amasambilisho yapangwa na bantu. Kabili, na mukucita ico, bena balenga amafunde yakwa Lesa ukuba ayafye, pantu bena kuti bailunda ku chalichi no kutwalilila ukuita abena Kristu, nokusunga insambu shabo nokutila bena Kristu, nokula twalilila. Efyo bena bafwaya. Efyo bena bacitile lilya.

161 Lelo, ibukisheni, nipa nshita nga ilya, ngafintu Lesa alaile muli Malaki 4, ukuti Ena ali no kufikilisha i Cebo nakabili. Ico cacine. Lolesheni apo tuli ileelo, nga fintufye cali munshita yakwa Yohane, ngafintufye cali munshita shimbi.

162 Lolesheni kuli uyu uwakale Amosi umunono ukwima, umuntu umunono. Ifwe tatwaishiba kuntu ena atulile. Ena ali kacema. Lesa alemutwala umuliile mpanga no muliile ng’ombe, kabili, kabili nokumukansha. Kabili lintu aishile ku Samaria, kabili lintu aimine no kwiminina palya pa kapili bulya bushiku, alolelshe kwisamba kulya. Kabili akasuba kalya kalesanika

pa mutwe wakwe uwepala, no mwefu wakwe uwabuta, na menso yakwe pamo yalebengeshima. Amenso yakwe ayashila yakapile, tepa mulandu wa ncende shintu abatandashi balemona lintu baleisamo, nipa mulandu wa musumba onse uwa obelwe mulubembu.

<sup>163</sup> Bushe ni nani uyu umunono, uushaishibikwa? Ee, ni Amosi, kasesema. Ena aseseme mu nshiku sha kwa Yeroboamu uwa Cibili, imfumu cisanguka, uwaleleka abantu ukucita icili conse. Ba shimapepo bonse bali mulifyo. Bena bakulile amachalichi ayasuma. Bena imifwalile iisuma nganshi. Abanakashi babo bali abamicitile yabipa. Bena balefwala umusango onse untu balefwaya. Abatandashi baleingila ukufuma konse konse, mukumona abakashana abasuma ne ficitwa fyabo.

<sup>164</sup> Naumbifye U.S.A. mupya, abafwile ukuba abantu bakwa Lesa. Tapali umuntu nangu umu uwingasosapo nelyo cimo palwa cena. Cilemoneka ukuba icaikata nganshi pa bantu. I- . . .

<sup>165</sup> Imyaka ikumi limo na cine konsekonse nomba, ileelo! Uwandi Rebekah ali ne myaka ikumi na cine konsekonse, ileelo. Imyaka ikumi na cine konsekonse, Ine nalyenda ukucilinganya cino calo, ukususha ifi fintu. Kabili lintu Nabwela, umwaka no mwaka, kwafulilako abanakashi aba putula umushishi ukucila ifyo baali umuku wa kubalilapo Ine natampile.

<sup>166</sup> Umukalamba, uwaishibikwa kashimikila wa bena Pentecosti antwele mu muputule, nalimo umwaka umu uwapitapo, umusuma, uwaishibikwa, umwaume uwaishibikwa isonde lyonse. Ena atiile Ine . . . “Munyina Branham, leka ine mbike amaboko pali iwe noku kupepela.”

Ine natiile, “Nshili mulwele.”

<sup>167</sup> Ena atiile, “Lelo kuli icintu cimo icilubene.” Atiile, “Munyina Branham, uli nokonaula ubupyungishi bobo. Takuli nangu umu uungampana. Emulandu wine ba kashimikila tabampanina naiwe; ninshila usushishamo abanakashi.” Ena atiile, “Balya bantu bakwita kasesema.”

Ine natiile, “Ine nshabala kusosa ukuti Ine nabefyo.”

<sup>168</sup> Ena atiile, “Lelo bena batontonkanya ukuti waba ifyo.” Atiile, “Ine nacetekela icintu cimo cine.” Atiile, “Iwe waitilwe ukupepelala abalwele.” Atiile, “Pepelela abalwele, nokuleka balya abanakashi babe. Iwe ulacena imyumfwile yabo.”

Ine natiile, “Mumusango nshi?”

<sup>169</sup> Ena atiile, “Ukulanda pali bena ukuba nomushishi uwaputulwa nafimbipo.”

Ine natiile, “Cilya cilubo.”

<sup>170</sup> Baibele yatiila, “Umwanakashi uwa—uwa putula umushishi wakwe, umulume wakwe ali nensambu sha kumutamfya kucupo.” Cilifye icalungama. “Ena tacindike umutwe wakwe.”

Ifyo efyo Baibele yasosa. Nomba Ine nshishibe ngacakuti imwe namutemwa ico nangu iyo, lelo efyo Baibele yasosa, muli Uwakubalilapo Abena Korinti.

171 [Tapali mashiwi pali tepu—Kale.] . . ukupapatila ku nkanda mpaka inkanda ili kunse. Kabili nomba bena—bena baisa, nokutiila, “Cinshi, Mista Branham, emusangofye wa fyakufwala bashitisha.”

172 Bena bacilli ne fipe na bamashini ba kubililako. Takuli akabepesho. Abanakashi abena Amish na bena Dunkard bacili balashifwala. Cinecine. [Ulukuta lwa tota—Kale.]

Kabili cinshi cicitika? Bena bafumina kunse kulya no kutwalilila.

173 Umwanakashi atiile, “Ukuba, Mista Branham, Ine nshifwala tuputula. Ine mfwala a- . . .” Finshi filya, pedal pu- . . . [Munyina umo atiila, “Pedal pushers.”—Kale.] Ee. Atiile, “Ine mfwala fyena.”

174 Ine natiile, “Ico cabipishapo.” Natiile, “Baibele yatiila, ‘Ca muselu umwanakashi ukufwala icakufwala camwaume.’” Kabibli musango nshi uwamimonekele ya bipa untu uyu United States ali nomba! Mwamona? Ico cacine.

175 Leka nkwebeko icintu cimo, nkashi. Iwe kuti waba uwapwililika nga cananika, ku mulume obe nangu kuli cibusa obe umwaume, lelo mu Bushiku bwa Bupingushi iwe ukaasuka pa kucito bucende. Yesu atiile, “Uyo onse uulolesha pa mwanakashi, ku kumukumbwa, nacito bucende nankwe kale.” Ngacakuti ulya mubembu aloleshe pali iwe, kabili ena afwile ukwasuka pa Bushiku bwa Bupingushi. Iwe wailangile kuli ena. Cili kuli iwe. Uh-huh.

176 Cinshi ico umwanakashi umwina lesa engafwaila ukufwalilefyo? Elyo walaitunga uku kwata u Mupashi wa Mushilo pantu walandile mu ndimi no kubutauka pa mushili. Ico, nakuba, Ine nalimona abasenshi ukucita ico, ba Hottentoti. U Mupashi wa Mushilo ku sanguluka, bu mushilo, ukukana koweshiwa. Cinecine.

177 Uyu mwaume atiile, “Ngacakuti iwe uli . . . Bena balicetekela ukuti iwe uli kasesema. Cinshi teti ushinga bafundila ifya kupokelela ifikalamba ifyabupe fya kumupashi, no kucita ifintu fyakwa Lesa? Cinshi ushinga bafundila ifyo ngacakuti iwe uli kasesema?”

178 Ine natiile, “Kuti Ine nabafunda shani algebura ilyo bena balefilwa no kusambilila ba ABC babo?” Mwalishiba fintu ABC cipilibula? “Lyonse cetekela Kristu.” Uh-huh. Nimunshila nshi imwe mwalacita ico? Mwamona, imwe mulefwaya ukufika pa muulu *palya*, mu nshita ya kwambila panshi *pano*.

179 Lesa ali no kukuula i Chalichi cakwe pa mufula wakwa Yesu Kristu, noyo ni Baibele. Kunse ya uyo, onse umushili washala mucencenga. Lesa tapilibuka. Imibele yakwe taipilibuka.

180 Ena apangile abanakashi ukupusana na baume, na baume ku banakashi. Ena abafwikile abapusana, kabili alefwaya bena ukwikala ifyo fine. Mwamona? Abanakashi balefwaya ukulamoneka kwati baume, na baume balefwaya ukulamoneka kwati banakashi. Oh, owe! We kwaluka! Cili... Kabili icintu conse, cili nge cikatilile pa bantu, kabili tekuti mucalule. Cili nge ciswango icikalamba, imfiimfi iikalamba; ngacakuti imwe muleumfwa cintu Ine nde sosapo, mu mupashi. Iciswango na cibafumbata, na bena—bena tekuti bafume fye kuli cena; naicililako Hollywood, naicililako televishoni, nacificilako fimbi ifyabula mano. Fyonse fintu tuli nafyo fyalikowela. Emulandu wine, “Ngacakuti umulimo tauputwilwe bwangu, pa mulandu wa Basalwa, takwakabe umubili ukapusuka.”

181 Imwe mwatiile, “Ine nshabalile njishiba ico intanshi.” Ukuba, nomba imwe mwacishiba, ukufuma lelo. Mwamona? Ico ni... Ine cawama ukuleka ico. Natubwelele kunuma. Moneni.

182 Yohane ali cishibilo. Kabili ibukisheni ukuti, inshila Lesa acicitile pa kubala, enshila Ena akacicitilamo nakabili. Ena alaile ukucita ico. Nomba, Lesa tabalile abomfya ibumba lya bantu, pa nshita nelyo imo, kuli ico.

183 Ibukisheni, kwali ibumba umuku umo, ilyo, umuntu umukalamba uwitwa Ahabu, ena abulile i... ena abulile bakasesema abena Israeli imyanda ine. Nomba, bena tabali bakasesema basenshi. Imyanda amakumi yane yaba kasesema abena Israeli. Bena bonse bakwete ba digiri ne fintu fyonse, bakwete isukulu likalamba.

184 Kwali umwaume umwinalesa uwaleitwa Yehoshafati, uwali imfumu yaba Yuda, kabili ena aishile. Kabili apo epo uwa cetekela afulunganishiwa no ushacetekela. Ifintu fyalilubene.

185 Kabili ena atiile, “Ramoti waku Giliadi...” Nomba lolesheni ici, ifyo cingaba icishinka. Ena atiile, “Ramoti waku Giliadi wesu, kulya. Kulya ku ciputulwa ca calo kulya, ulya wesu.” Yoshua, mu kwakanya incende, apele ulya kuli Israeli. Kabili aba Pelishiti, abasenshi, baishile noku upoka kuli bena. Ena atiile, “Ulya wesu.”

186 Nomba moneni ifyo, ku mano, abantu kuti baba abalungama lelo kabili uku Cipusa. Cilya nakuba cali ca Israeli. Lelo bonse ubulayo bwakwa Lesa, munyina, bwaba pa fifwaikwa, mwamona, “Ngacakuti bena bale enda ku cinsu cakwa Shikulu.”

187 Nomba moneni kuno. Ena atiile, “Bushe kuti waya naine, no kungafwa ukupoka cilya calo? Ukuba, balya, abana baba Pelishiti baleisusha amafumo yabo kulya, ne ng’ano isha bena Israeli.” Ico califye icalungama ku Malembo. Ena atiile, “Ngafwako ukuya nokuya balwisha.”



188 Atiile, “Ukuba, wandi . . .” Apopene ena apangile icilubo cakucita ifintu bwangu: “Amaceleta yandi yobe, abantu bandi cimo na bobe. Ine nalaya na iwe.”

189 Kabili nomba Yehoshafati atampile ukutontonkanya, namwishiba. “Tutile, bushe tatufwile ukwipusha Shikulu palwa ici ilintu tatulaya?”

190 “Oh, eflyo,” Ahabu atiile, “cinecine. Uh-huh. Njelelako. Ine—Ine nacifwaikwa uku tontonkanya pali ico.”

“Bushe takuli kasesema ukuntu kumo?”

191 “Oh, cinecine. Ine nalikwata—Ine nalikwata i—i seminale lyabo kuno, aba cilapo nganshi abo watala aumona. Bonse bafwala ifyakufwala ifisuma nganshi. Bena niba kasambilila bacilapo. Ine nali basambilisha, na kwi toni. Twalaya no kuya basenda.”

192 Eico bena baile kulya. Kabili bonse bakolongene pamo. Tabali ba bumbi munda. Bena bapepele kabili bapepele kabili bapepele, mpaka bamwene icimonwa.

193 Kabili bena baimine. Kabili umo pali bena apangile insengo shibili ishikalamba ukufuma kucela. Ena atiile, “Kuli ifi imwe muleya titikisha aba Pelishiti, nangu abena—abena Assiria, ukufuma mu calo cabo.” Ena atiile, “EFYA SOSA SHIKULU. Kabiyezi, Shikulu ali naimwe.” Onse muli bena, elyo, no mutima umo, bawile mu mupashi. Bakasesema abena Israeli batile, “Kabiyezi, Shikulu ali naimwe.” (Imwe mwatila, “Bushe ico Malembo?”) “Lesapele ici icabupyani ku bantu, elyo umulwani nacikwata. Imwe muli ne nsambu yaku cipoka.”

Nomba, ba Pentecosti, Ndefwaya musendepo isambililo apa.

194 Lelo, Yehoshafati, ukuba umwinalesa, ena atiile, “Lelo kuli cimo icilubene.” Atiile, “Bushe taukweteko umo naumbi?”

195 “Naumbi umo, panuma ya bakasesema imyanda ine abasambilishiwa bwino abeminine apa?” Ubwingi bwabo ngabali pe samba lya muputule pano. “Beminine pamo, baleti, ‘EFYA SOSA SHIKULU.’ Bweleleni, nokutilla, ‘Yoshua apele icalo kuli ifwe. Cena cesu. Kabiyezi kacipokeni!’”

196 Lelo Yehoshafati alombelepoko naumbi. Atiile, “Bushe takuli umbi untu ifwe tungepushako kuli Shikulu?”

197 Ena atiile, “Oh, eko ali naumbi, lelo,” atiile, “Ine nali mupata.” Uh-huh, uh-huh. Atiile, “Ena ni Mikaya, mwana Imla.” Atiile, “Ine nali mupata. Ena lyonse alande fibi palwa ine.”

Atiile, “Imfumu isosefyo. Kabiyezi kamusendeni.”

198 Nomba bena batumine bakabilo kulya. Bamo muli bena batile, “Nomba, Mikaya, Ine ndefwaya ukukwebako icintu cimo. Nomba, nawishiba bena balikutamfya, . . . iwe ukufuma mwisenge, tapapitile inshita, pantu iwe lyonse ulanda ifintu ifibi ku bantu. Nomba ngacakuti ulefwaya ukubwasha itiketile lyobe

ilyesenge, usose icintu cimocine bena bacita, kabili, oh, bena balakubikafye mukati pesamba lyabo.”

<sup>199</sup> Lelo cali ukuti ena ali cinecine kasesema. Atiile, “Apo Shikulu Lesa wa mweo, Ine nalasosa fye ifyo Lesa alebika mu kanwa kandi.” Oh! Lesa apale uyo mwaume. Ena atiile, “Loleleni mpaka ubushiku, Ine nalamona cintu Shikulu alenjeba.”

<sup>200</sup> Ulucelo lwakonkelepo, atiile, “Kabiyeni kulya, lelo Ine mwene Israeli nasalangana nge mpanga shabula kacema.” Elyo abulile icimonwa cakwe no kucipalanya nefyo Eliya asosele, ica citike kuli Ahabu. Kuti Ena apaala shani icatipwa? Nangu cingaba shani ubwingi. . .

<sup>201</sup> Ifwe tuli calo icina lesa. I chalichi ca Pentecosti, Baptisti, naba Methodisti, na fimbipo, tuli ichalichi icina Kristu, lelo kuti imwe mwapala shani ico Lesa atipa? “Ine nshile sakamana,” imwe mwatiila, “Ine—Ine nailundile kuli *ci*. Ine nacistile *ici*.” Ico tacili nangu cimo icakucita pali cena. Moneni fintu mwacita. Lolesheni kuli ba Pentecosti, ifyo bena balekele milando ukuwa. Moneni ifintu imwe mwali, kabili moneni ifintu muli nombamba. E mulandu wine, amenso naya, amenso naya popula.

<sup>202</sup> Nombamba ena, Ahabu, uyu. . . Uyu shimapepo amutobele ulupi pa kanwa. Kabili atiile, “Mubikeni,” na Ahabu atiile, “mubikeni kunuma kulya mucifungo camukati. Lintu Nkabwelo mutende, Nka mubombelapo uyu muntu.”

<sup>203</sup> Ena atiile, “Ngacakuti ukabwela, Lesa tasosele kuli ine.” Uh-huh? Mwamona? Kwali kasesema, kwali i cishibilo; kwali i Shiwi Lyakwe. Kabili, ukufilwa uku lyumfwila, Caletele ubupingushi.

<sup>204</sup> Mupashi wa Mushilo e kasesema wesu ileelo. Mulefilwa ukumfwa i Shiwi Lyakwe? Ena aleishibikwa mu Malembo, ukuti Ena ali nokusosa ifi fintu. Yesu Kristu, imibele ya Mupashi wa Mushilo!

<sup>205</sup> Lesa abombele noyu umwaume umo. Ici, Lesa tatalabomba na mabumba; niku muntu umo. Eliya tali ibumba. Yohane tali ibumba. Bena tabali ibumba nangu icilonganino, nangu umo pali bena. Lelo bonse babili basushishe ico. Ico cacine. Yohane atiile, “Imwe mwitontankanya ukuti ifwe tuli na Abrahamu shifwe. Lesa kuli alenga aya mabwe ukwima ukuba abana kuli Abrahamu.”

<sup>206</sup> Kabili ne cishibilo cashita-yakulekelesha cikakwata i Shiwi lya nsita-yakulekelesha. Kabili icishibilo cakulekelesha cikaba ukulingana nefyalailwe mu Baibele. Kabili i Shiwi lya nsita-yakulekelesha, ili kakonka i cishibilo canshita-yacakulekelesha, likeshibikwa bwinobwino mu Malembo, likaba a Malembo aya lailwe.

<sup>207</sup> Nombamba ifwe twalibelenga muli Luka 17 ifyo icishibilo cakulekelesha cikaba, cikaba nga fintu cali ku Sodomu,

ubulayo. Na ifwe natukwata Sodomu mumibele, cinshi ifwe teti tucetekele icishibilo mu mupashi kuno? Ngacakuti imwe kuti mwamona Amalembo, nayo, Luka 17 cishibilo, na Malaki 4 e Shiwi. Icishibilo cali nga Lesa uku langwa mu mubili, ukwishiba inkama shamu mutima; ne Shiwi lyakwa Malaki 4 ukwalula abantu ukufuma ku masambilisho yabo, ukubwelela ku Cicetekelo caba shibo. Ico e cishibilo.

<sup>208</sup> Bushe namwishibo kuti? Ine ndeisala nombamba. Ifishibilo ilingi line filapokelelwa, cinecine; lelo, i Shiwi, oh, awe. I Shiwi ili konka i cishibilo, bena tabafwaya ica kucitapo nalyena. Ee.

<sup>209</sup> Icishibilo cakwa Yesu, nga Messiya, ukundapa abalwele, bena bapokeleleco. Lelo ubushiku bumo Ena atiile, “Ine na Taata tuli Umo.”

<sup>210</sup> Oh, owe, ilyo i Shiwi talyapokelelwe. Bena batile, “Iwe Uleilenga ukuba Lesa, ukulingana na Lesa.”

Ena atiile, “Ine ndi Mwana wakwa Lesa.”

<sup>211</sup> “Oh, owe, nimunshilanshi Lesa engakwata Umwana?” Mwamona? “Ico citaluke kuli Lesa ukukwata u Mwana!”

<sup>212</sup> Lelo, mwamona, bena bacetekele i—i cishibilo, abalwele baleundapwa, kabili, oh, cilya cali icisuma nganshi, cilya cilifye bwino. Lelo ilyo caishile kwi Shiwi, bena tabalefwaya ukucetekela i Shiwi. Finshi bena bacitile? Ba Muposele kunse.

<sup>213</sup> Kabili namwishiba ukuti? Baibele itweba ukuti, mu Ukusokolola chapitala 3, pali iyi Nkulo ya Nkuta iya Laodikia, ukuti Ena akacitwa icintu cimo cine. Ena ali kunse ya chalichi. Ico e Cebo ukulangwa. Ena ali i Cebo cale langwa. Ena acili i Cebo cilelangwa.

<sup>214</sup> Ngacakuti kuti mwacetekela icishibilo ca Sodomu, ica muli Luka, ngacakuti mwingacetekela ico, nombamba cinshi teti mupokelele i Shiwi lyakwa Malaki 4? Mwamona, cinshi teti imwe mucite, imwe? Cena kuti cashininkishiwa. Inshila fye cina cinga citwa. . . Icishibilo kuti cashininkishiwa, lelo imwe mufwile ukupokelela i Shiwi.

<sup>215</sup> Mose alashikwe ukuya kulya, mu mubili, nokusenda icishibilo cakumupashi nokwita abantu ukubwelela kubulayo bwabashibo.

<sup>216</sup> Malaki 4 afwile ukubwesha abantu “ukubwelela ku Citetekelo caba shibo.” Oh, bweleni, Mwe mpofu abasalangana, ku mwenu!

<sup>217</sup> Mukwisala, Ine nala soseci, uku kusosa kwa kulekelesha. Kasesema atiile, “Cikaba u Lubuuto munshita ya cungulo.” Moneni, ena atiile, “Kukaba ubushiku ubu shaketwe akasuba nangu ubushiku.” Nombamba umfweni. Ine ndeisala. “Kukaba ubushiku bumo. . .” Lekeneni ici cingile mukati, kabili shi Lesa acibike muli cila mutima muli ici cipanda, muno bushiku, muli ici cinyumbanyumba. Kasesema atiile, “Kukaba ubushiku bumo

ubu shaketwe akasuba nangu bushiku, kukaba ngo kufitulukila, ukwa mfulamfula, ubushiku ubwa fubefube. Lelo,” atiile, “pa nshinta ya cungulo, kukaba u Lubuuto.”

<sup>218</sup> Nomba, ibukisheni, akasuba katula ku Kabanga nokuya kumasamba. Ukutumpuluka kukonka akasuba. Imwe mwalishibeco. Kabili, moneni, akasuba kamokene akatula ku Kabanga ekasuba kamokene kawa ku Masamba. Nomba, ubuyantanshi bwaenda cimocine pamo na kasuba, ukufika neli a Kabanga na Masamba fyakumana. Ifwe nomba tuli ku Lulamba lwa Masamba; a Kabanga na Masamba.

<sup>219</sup> Kabili, ibukisheni, i Mbilansuma yaenda munshila imo ine. Yena yaimine ku Kabanga, ukwisa kwakwa Yesu Kristu, u M-w-a-n-a, te k-a-s-u-b-a. M-w-a-n-a, u Mwana wakwa Lesa, aimine ku Kabanga, ku bantu baku Kabanga.

<sup>220</sup> Kabili nomba kwaliba ubushiku buntu abantu bailunda ku chalichi, ukupanga ifilonganino, ulubuuto ulunonofye ulwa kuti bamone, “Ukuba, ifwe twalakwato ichalichi. Ifwe twalakuula *ici*. Ifwe twalakuula isukulu. Ifwe twalakuula icipatala. Ifwe tukasambilisha. Ifwe tukakwata seminale.” Bena bakwetefye ulubuuto ulwalingile ukucita ico.

<sup>221</sup> Lelo, ibukisheni, Baibele yatiila, kasesema wakwa Shikulu, mu Baibele, icili ni EFYASOSA SHIKULU, “Ukuti akasuba kamokene aka akile ku Kabanga kakaaka nakabili ku Masamba, panshita yacungulo. Cikaba Lubuuto munshita yacungulo.”

<sup>222</sup> Finshi Ena akacita? Cena cikacitafye bwinobwino fintu Ena asosele muli Luka pa chapitala 17. “Pa nshita yakulekelesha, lintu u Mwana wa muntu alesokololwa munshita imo ine intu Ena ali ku Kabanga, u Mwana umowine ukusanika, a Maka yamo yene, umowine Mupashi wa Mushilo, i Cintu cimocine ukucita icintu cimocine. Kukabo Lubuuto munshita yacungulo.”

<sup>223</sup> Kamo kena akasuba akaenda; umowine u M-w-a-n-a uwaenda; aishile ukutula ku Kabanga, ukufuma kuli Paulo; ukucilukila mulya mu Gelemani, pali Martin Luther; ukuciluka nakabili, pa citinto Cakwe icakonkelepo; nokufuma kulya ukuya ku England, kuli John Wesley; ukuciluka ukwabuka Atlantic Ocean, ukuya ku United States, kuli ba Pentecosti; kabili nomba ba Pentecosti nabaipwisha abene, naifwe tuli ku Lulamba.

<sup>224</sup> Onse muli bena, abungenye, ngafintufye bena bacitile pakutendeka, bapangile akabungwe kantu Lesa atipile. Pentecosti, nabonse, bacitile ico.

<sup>225</sup> Lelo Ena atiile, “Cikaba Lubuuto munshita yacungulo. Kukaba icishibilo icikema munshita yacungulo.” Mwi Cipusa, mwe fibusa. Mwi Cipusa. Nomba, umowine Umwana akapela Ulubuuto lumolwine. Kamo kena a k-a-s-u-b-a kapela lumolwine ulubuuto lwa k-a-s-u-b-a. Umowine u M-w-a-n-a apela lumolwine u Lubuuto lwa u M-w-a-n-a.

226 Nomba, uko tekulanda kwandi yandi. Bonse muno, abaishiba ukuti Baibele yasosefyo, imyeni amaboko yenu. [Ulukuta lwatiila, “Ameni.”—Kale.] Ico nifyofinefye.

227 Nomba, imwe kuti, cili kuli imwe. Cetekeleni ukuti u Mwana wakwa Lesa, Yesu Kristu, aba, tafwa. Ena mutuntulu. Ena ali mukuicefya, ukuicefya. Ena lyonse aikele ngefyo. Inshila ukulola kumuulu ni panshi. Mule icefya mwebene, talukeni kumano yenu ayatalalila, nokucetekela Shikulu Yesu. Mwamona i cishibilo, nomba cetekeleni i Shiwi. Bweleni, Mweba salangana, ku mwenu!

Natukontamike imitwe yesu.

228 “Kabili ngacakuti tabacetekele i Shiwi lya cishibilo cakubalilapo, mukuboko, ngafintu cali na Mose, nomba ukacite icishibilo ca bubili. Elyo, ngacakuti bena tabacetekele ici icishibilo, nomba ukabule amenshi (amenshi ukwimininako umweo) ayali muli bemba nangu icimana, no kupongolwela pa mushili, yakaaluka umulopa.”

229 Shifwe waku Muulu, inshita naipwa saana nomba, lelo Imwe mwalaile ukubako u Lubuuto mu cungulo. Leken i Shiwi lya Mbilansuma yesu ingile mukati ka mitima ya bantu, ilyo bale tontonkanya pali Yena noku Isoma ku Cebo.

230 Paleni buno bwikashi bwa bantu, Shikulu. Paleni aba bantu. Moneni bena bekele muno, insala, abana ababusu abapantaulwa noku titikishiwa, kabili *ici*, ukwishiba ukuti Satana acitileco ku kubapofusha ku cintu lintu Cena cafikile kulya. Shi bena, muno bushiku, no mutima umo, benga cetekela Yesu Kristu, bacetekele ubulayo Bwakwe, ukuti Ena ali bushiwa kubafwa.

231 Imwe mwatiile, “Mu nshita intu bena tabaletontonkanya, elyo u Mwana wa muntu akesa.”

232 Ilyofye ichalichi chakwa cakwata ifya luko, lwakwatishe ndalama, ukukula ifikulwa fya ba dolla amamillioni. Bena baka waminako, Taata, Ine ndecetekela, kunuma ukwiminina pacifutu, balelisha a—a kaoma, ne cisote mu minwe yabo, ing’oma yakale pacifutu ngaba Salvation Army, ukucila ifyo cingaba ukwikala muli ishi ishikalamba ing’anda sha fitumbi muno bushiku, abaleesha ukupashanya isonde, “Ababa ne mimonekele ya bukapepa, lelo abakana a Maka yabuko.”

233 Cipeleni, Shikulu, muno bushiku, umuku uno, Shikulu; ngafintu Samusoni alilile, “Umuku uno, Shikulu, umuku uno.” Leken i cishibikwe ukuti Imwe muli Kristu, u Mwana wakwa Lesa; umo wine mailo, ileelo no muyayaya. Nokuilanga Mwebene pakati kesu, ukuti bena benga mona i cishibilo, limbi bena kuti ba cetekela i Shiwi. Muli ici, Nalomba mwi Shina lyakwa Yesu Kristu. Amen.

234 Twalaita umulongo wa mapepo, bwangubwangu. Ine nimona sanasana ninshita ililine ifwe tufwile ukusalangana.

Lelo natukwate umulongo wa mapepo, umulongofye uunono uwamapepo, elyo tukatampe mailo.

<sup>235</sup> Ena acifolesha ifitupa fya mapepo ileelo. Eico, ifwe tulapela ifitupa cila bushiku, pakuti cila muntu enga kwata ishuko ukuti bengesa, inshita iyeni. Ukwingila mu mulongo wa mapepo, ico taci mundapa. Uuli onse aliishiba, muli cila musonkano, mulaba abengi abondapwa kunse kulya ukucila abo abondapwa kuno, mwamona, lyonse. U Mupashi wa Mushilo ulifye u usangwapo lyonse. Ena aleeshafye ukusanga abacetekela, epela, Ena enga fikako.

<sup>236</sup> Peleni ifitupa fya mapepo P, nga muli Paulo. Natu, apo tufikile. . . Ukuba, iteni ukufuma cimo. Cimo, fibili, fitatu, fine, fisano, mutanda, cinelubali, cinekonsekonse, pabula, ikumi, lekeni beminineni kuli ulu lubali, ngacakuti kuti mwacita. Ifitupa fyaabo ifya mapepo P, nga muli Paulo, cimo ukufika ikumi, iminineni uku kuno lubali kuli ulu lubali, ngacakuti kuti mwaiminina. Ngacakuti tekuti mucite, ninshi twalabula umo ukumwafwa. Ikumi; cimo, fibili, fitatu, fine, fisano, mutanda, cinelubali, cinekonsekonse. . . Cisuma, kwashala babili. Cinekonsekonse, pabula, ikumi, cisuma. Ikumi ukufika ikumi na fisano, ikumi ukufika ikumi na fisano, kwashala basano. Ikumi na fisano ukufika amakumi yabili, iminineni pakuti Ine mone ngacakuti muleiminina; P, ikumi na fisano ukufika amakumi yabili. Amakumi yabili ukufika amakumi yabili na fisano. Natumone nomba, konse kuntu muli. Nomba lekeni abashala mwibumba babe abamucinshi nganshi, ba mineti fye abanono. Ico citupa camapepo P, cimo ukufika amakumi yabili na fisano. Te ifyo fine? Amakumi yabili na fisano, cimo ukufika makumi yabili na fisano.

<sup>237</sup> Nomba bonse abashala beni aba mucinshi nganshi. Peleni Lesa umucinshi ukalamba, peleni i Mbila. Namushingamwa kuli Lesa, ukulola pali mineti no kutontonkanyapo.

<sup>238</sup> Nomba Ine ndemona baletyanya abantu. Abo abashi. . . Ngacakuti bena nabakwata icitupa camapepo bena tabali mu mulongo bena balaishiba; bala njeba muli ba mineti abanono, elyo kabili bena bala. . . nomba twalamona ngacakuti limbi umo kuti aba cibulu nangu umuntu umo uushinga.

<sup>239</sup> Ine nshishibe pantu bena bali, mwefibusa, ico icitupa ca mapepo. Umulumendo aisa kuno. . . (Nani apele? Bushe niwe, nangu Billy? Billy?) Ukuba ena alesa, noku tusakanya, pacinso cenu mwebantu, elyo amupela icitupa ca mapepo; aisa, ukumweba bonse ukwikala, amupela icitupa camapepo. Mwamona? Ine nshishibe pantu bena bali. Ine naciba ndeesha ukuleta uyu mwana pamuulu kuno, mwamona. Na, bambi, Ine—Ine nshishibe palwa, Ine—Ine nshikwete inshila imbi iya kwishiba ico. Ine ndetontonkanya Lesa acilashika munshila Ena adefwaya cena ukulashikilwamo ngefyo.

240 Nomba, nomba mwebashala, abashikwete icitupa camapepo. Imyeni ukuboko kwenu, tileni, “Ine nshikwete akatupa kamapepo, lelo Ndi mulwele.” Imyeni ukuboko kwenu, ukuli konse mucikulwa. Ine nshilesakamana kuntu muli, imyeni ukwenu. . . Ukuba, tamuli abantu abengi muno kanshi, nomba. Ukuba, ukulingana nefyo, ta cakapose nshita saana ukupepa mumulongo wa mapepo mailo. Mulifye nalimo amakumi yabili muno, ukufumyako pa beminine muno, abalwele.

241 Ico cisuma. Ine ndi uwansansa ukumona imwe ukucipokelela nge fyo. Imwe mwaciba ne cicetekele ukucila pafyo Ine nacistontokanya imwe ukuba, nalimo. Mwamona? Mwamona? Ngacakuti imwe mwacipokelela ukundapwa kwenu, mwaciposa akatupa kenu, Lesa amupale. Ico cicetekelo cinecine. Tapali nelyo umo uwa cibika amaboko pali imwe; imwe mwacibika amaboko pali Kristu.

242 Nomba imwe kuno muno bushiku, aba shabe mu mulongo wa mapepo, mucetekele ili lyashi. Ngo mwanakashi uwaikete cisempe ca cakufwala Cakwe, na Ena apilibwike no kwishiba ukuti umwanakashi ali Mukumishe, ni banga baleibukisha ilyashi? Cinecine, muleibukisha.

243 Nomba mulecetekela ukuti, Ena, Baibele yatiila mu Abahebere 4, ukuti, “Ena e Shimapepo Mukalamba, ili line, uwinga kumishiwa ku myumfwile ya bunake bwesu”? [Ulukuta lwatiila, “Ameni.”—Kale.] Ukuba, ngacakuti Ena umowine mailo, ileelo, no muyayaya, bushe Ena tekuti acite cimocine? [“Ameni.”] Bushe Ena tacicita, ubushiku no bushiku, kuno? [“Ameni.”] Nibanga abasangwa mu misonkano imbi no kumona Ena ukucicita? Imyenifye. . . [“Ameni.”] Cinecine. Mwamona? Ukushinguluka isonde! Ena alishiba, Ena alishiba fyonse palwa imwe.

244 Nomba moneni fintu Ine ndeesha ukucita? Nibanga beshibe fintu Ine ndefwaya imwe ukucita? Mwamona? Ine ndefwaya imwe, ukwabula nangu umo uku bika amaboko pali imwe, Ndefwaya imwe, nge cinecine cipe cakwa Lesa, mutiile, “Yesu Kristu, Ine na Mucetekela. Ine nomba napokelela Imwe nga Kondapa wandi. Ine nomba napokelela Imwe ngo Mupusushi wandi. Ine nacistetekela no mutima wandi onse, umulimo wa ciko na ubombwa.” Nomba mwikatilile bulya bulayo, ikatilileni kukusosa kwenu nokutwalilila ku ntanshi na cena. Moneni ifyalacitika. Mwamona? Moneni ifyalacitika. Mwamona? Nomba ico ecintu Ine ndeesha uku mulenga ukucita, inshila i ine ine intu ifwe tufwile uku cetekela.

245 Amuti shani? [Umuntu umo atiila, “Ciine kabili ikumi na pabula.”—Kale.] Impendwa ciine, kadi yamapepo impendwa ciine kabili impendwa ikumi, na pabula, tapali. Icitupa ca mapepo ciine. Lolesheni pali umo; lolesheni patu kadi twabo mupalamene nabo. Akatupa kamapepo impendwa ciine kabili

ikumi na pabula. Cisuma, panono fye, loleleni. Mwamona, ngacakuti Ine nshitile ena, nomba Ine ndepokelela iciunda pali ico, mwamona. Cinshi soseni? Cinshi soseni? [“Ciine.”] Mukwete ciine? Nga palwa pabula- . . . Tapalaba ikumi na pabula. Cinshi soseni? [“Ukubikapo ciine.”] Akakalata ka mapepo impendwa ciine tailati, nangu ikumi na pabula. Ngacakuti umu nakwata uto ututupa, nga kuti mwaisa mu mulongo. Nangu, lolesheni, mumone, limbi cili . . . bushe umu . . . Bushe kalya akana akanono nakakwata akatupa? Monenipo, teko . . . Iyo te mpendwa. Bushe *uyu* namayo apa nakwata akatupa, muli uyu mupando wa mipeto? Moneni pa mpendwa yakwe. Bushe iyo—bushe iyo e mpendwa yakwe? Namayo pa busanshi, huh? Naba kakwata. Bena, bonse emo bali nomba. Cisuma. Cisuma. Nomba—nomba, imwe bantu mwebakwete akatupa ka mapepo, twikateni. Ifwe twalapyunga, kuluse lwakwa Lesa.

<sup>246</sup> Nomba, mwefibusa, ubu ukuba ubushiku bwa kulekelesha buntu tulekwata, mailo nipa Mulungu akasuba, natube tondolo. Nomba bulenifye ukukana cetekela kuntu mukwete na lyonse—lyonse itontonkanyo lyabula amano, no kulibika panshi pa mushili, nokunyantapo, ngefyo cali. Tileni, “Shikulu Yesu, Ine nala Mucetekela.” Nibanga abalacitefyo? [Ulukuta lwatiila, “Ameni.”—Kale.] Namutotela. Lesa amupale.

<sup>247</sup> Nomba nangu umu efumapo. Ikaleni tondolo, no kucetekela. Lolesheni kuno lubali, kabili nomba moneni.

<sup>248</sup> Icishibilo cakwa Lesa lyonse caba kwishiba, ukumona ifyali, nokulanda ifyali, ifyo fyabelefyo, nangu ifyo fikaba. Ifwe twalishiba ifyo. Ifyo efyo ba kasesema bale ishishiba. Ifyo efintu Yesu aishibwe nga Messiya. Kabili Ena eumo wine Messiya ileelo nga fintu Ali lilya, lelo ukwabulafye umubili wa buntunse pano isonde. Ena atumine u Mupashi Wakwe ukubwela ukubomfya umubili obe, umubili wandi. Nomba, limbi imwe tekuti mucite ici. Ifwe twalishiba, mu Malembo, kuba umu mu nkulo. Lelo, mwamona, lelo nalyoline kuti mwacitetekela, kabili imwe namukwata ifintu fimbi fintu mungacita, abantu bonse.

<sup>249</sup> Nga ngacakuti umunwe wandi wasala, pantu lyena talili linso lyandi, lyena talyatwalilile ukuba umunwe wandi? Nga ngoku kuboko kwatila, “Ine nshakeme nakabili, pantu ngacakuti Ine nshili linso, nangu ukutwi, Ine nshabe kuboko?” Cinshi, cena kuti calemanika umubili wandi.

Imwe beni cintu Lesa amubikile ukuba.

<sup>250</sup> Miku inga intu Ine nkumbwa Oral Roberts, Billy Graham, Tommy Osborn!

<sup>251</sup> Bamo muli balya bantu balengila mulya nokutiila, “Ubukata kuli Lesa! Ci cetekele!” Icicetekelo ca mulume wambwa. Bafumapo, bafuma mulya bwino bwinofye nga fintu bena bengaba.



252 Billy Graham aiminina ne mbila, no kusosa ku bantu ba mineti abanono, atiila, “Pangeni ukusala kwenu; iseni ku cintamba.” Imininenifye apo, mwi esha kusela.

Ena atiile, “Kanshi cinshi ucitila filya, Billy?”

253 Natiile, “I mbila yandi naiya. Yena yafuma kuli Lesa.” Ico cacine.

254 Wena ali kuli cilya chalichi caku Sodomu, filya finefyefye cifwile ukuba. Ishina lyakwe ukulekelesha na h-a-m ukufuma kuli Abrahamu, ifilembo mutanda; Abrahamu fyali cinelubali. Mwamona inkombe ya cilya chalichi, kulya mu Babyloni? Cinecine. Takwaba umwaume mu calo uwaikata ilya mbila ya kulapila, nga Billy Graham. Ena eminina palya. Afumapo aya, no kuya alya steke-we-Fupa lyapapatala nokuya pa busanshi, anwa umukaka. Ico cilifye bwino.

255 Kabili ilyo iwe ufwile ukwiminina nokulwisha ifiwa! Inshita imo pa Long Beach, Munyina Jack na Ine...Wisio twaiminine palya.

256 Kabili palya paiminine Mista. Fuller, Charles Fuller, munyina umusuma, naiminina palya aleshimikila. Nalimo amakana yabili nangu amakana yatatu aya bantu bali mulya kalya kasuba. Ifwe twaikele no kukutika pa musonkano wakwe. Ine nasonkele icikulwa, panuma yakwe. Kabili ena aiminine palya no kupela ilyashi ilisuma. Kabili atiile, “Uuli onse pano uulefwaya uku pokelelela Kristu?” Babili nangu abantu batatu baishile ku paala kwa bana babo. Umwanakashi umo atiile alefwaya ukucipokelela. Aisa nokupela ipepo ilinono, umo pali ba dikoni, abwelela nokuya ikala. Baposhanya, bapilibuka nokufuma mulya. Pali abasambilila, ibumba lya bantu abafwala bwino, ukufuma mulya.

257 Aba baisa abandi, amakoti ya fyenta, imipando ya mipeto, impopfu, ifilema, abalesunta, abalemanikwa. Lintu icicetekelo cakumana necintu ngeco!

258 Nomba kuno, finshi fintu Ine natunga Kristu ukuba? Kabili nomba abashicetekela nabekala, ukufwaya ukusangapo icilubo cimo, mwamona, ukweshafye ukusangapo icilubo cimo.

259 Ibukisheni, kuno tapapitile saana inshita mu Toronto, ifwe twali natwiminina kulya tuleshimikila, ukupepela abalwele. Ine naleumfwa umupashi uwaibela; waikalile lubali ku kuso kwandi. Ine natwalilile ukucilolekesha. Kwali umwaume uwaikele palya, ibumba lyali mu lembele ukwisa mulya no kwisa kukumfulunganya amano. Ena aleya mu nkambi sha bashilika nokulenga abashilika ukulaendela ku maboko no kubosa ngembwa, na fimbi; ukufulunganya amano. Ine naumfwile cilya cimupashi cabipa. Ine nshaishibe kuntu caletula. Ine natwalilile ukulolesha. Na mwene cilya cinshingwa cafita. Nalolelele ba miniti abanono. Natiile, “Iwe we mwana wakwa Satana, cinshi ciwa akupofwishe amano yobe ku cintu camusango ngoyo? Pantu

iwe wishile ukwisa ku kucimfya Lesa, ukulwisha u Mupashi wakwa Lesa, bala kusensenta ukufuma muno.” Ena ifilundwa fyatalele palya pene mu cipuna cakwe na nomba ifilundwa fyakwe fyali talala. Mwamona?

<sup>260</sup> Ifwe tatwangala kupepa. Nibanga basangwa mu misonkano no kumona ifintu fimo fine ukucitika, mweba ishiba ifintu ificitika? Cinecine. Ico cacine. Ibukisheni, beni—beni aba mucinshi.

Nomba apa pali, Ine ndemona, muntu wakubalilapo. Bushe cacine ico?

<sup>261</sup> Nomba, moneni, Ine ninshimikila, ukumweba ififwile ukucitika muli ubu bushiku. Nomba ico cishibilo, ngacakuti cacitika. Ifyo efintu icishibilo cali, nomba cetekeleni i Shiwi ililekonka icishibilo. Mwamona?

<sup>262</sup> Nomba umwanakashi uyu apa. Sanasana, kuli imwe abapya, uyu ni Yohane Washila 4, apo Shikulu wesu Yesu akumenye umwanakashi pacishima. Bena tabatalile abakumanapo, mu bumi, kabili Ena aebele umwanakashi ifyo ubwafya bwakwe bwali. Kabili umwanakashi aishibe ukuti ulya ali ni Mesia. Bushe mwalishibe lyashi? Ici pano nakabili, umwaume no mwanakashi bakumana. Nomba ena teulya mwanakashi, kabili Ine nshili ulya Mwaume, lelo uyo acili Lesa umowine. Mwamona? Nomba, Yesu atiile, “Imilimo intu Ine ndecita mukacita naimwe,” Yohane Washila 14:12.

<sup>263</sup> Nomba, namayo, ukwabula ukukwishiba, nshishibepo nelyo cimo ico wiminine apo. Limbi kuti caba bwafya bwapa ng’anda. Limbi kuti caba capa muntu umbi. Limbi naulwala. Limbi ni... Limbi nawimininapo, ukuibika fye icintu cimo. Ngacakuti cili ifyo, sangenifye icicitika. Mwamona? Limbi ule ibepakesha icintu cimo. Conse ico cili, Ine nshi...Iwe kuti waba uwacetekela mwinemwine. Ico Ine nshishibe, lelo Lesa naishiba. Lelo walaishiba ngacakuti Ena akwebele icishinka nangu iyoo, bushe kuti wacita? Ngacakuti cena cishinka, ulecishiba.

<sup>264</sup> Nomba, mwamona, ifyo efyo icicetekelo cobe cifikilepo. Kutu watemwa shani ukwisa kuno? Nomba ngacakuti uuli onse acetekela ukuti cena cilubo, isa kuno nokubula uyu mulwele, isa kuno nokubula abashala muli bena. Nomba ngacakuti mwafilwa ukucicita, nomba mwila nseka. Mwamona?

<sup>265</sup> Nomba lolesha kuno, nkashi, mineti fye. Nomba Ine nshikwetepo ukwishiba, nelyo cimo palwa iwe. Ulifye umwanakashi uwiminine apo.

<sup>266</sup> Nomba ngacakuti Shikulu Yesu Kristu, u Mwana wakwa Lesa, Untu Ine nshininkishe ukupitila muli Baibele, alaile ukuti Ena ali nokubwela mu nshiku shakulekelesha no kuisokolola u Mwine mu mwisulo wa Mupashi Wakwe. . .

267 Cilifye kwati Chalichi ukwima; ngafintu cifuma ku muntunse, inshila yonse ukufuma kufikondo, ukwisa ku matanta, ukufika ku mutwe, kabili umutwe emutwe wa mubili. Kabili u Mubili wali ima, ukutula pa Chalichi ca kubalilapo, ukwima ukwisafye, muli ici, muli ukukupanga cipya cipya, lwalima mpaka nomba. . . Lwena lwapitile mu kulungamikwa, ukusangululwa, ulubatiso lwa Mupashi wa Mushilo. Nomba Mutwe, Kristu, ukwisa ku Mubili, u Mubili wakwa Kristu. Ena e Umo Uwaishiba. Ukuboko kwandi takwaishiba ifya kucita, niku mutwe wandi fye. Lelo Ena e Umo Uwaishiba, e mulandu wine Ena e Cebo.

268 Ine nshili Cebo. Ine ndi muntu. Lelo, mwamona, Ena a bomfya uyu mubili. Pantu, Ena afwiilile ukusangulula uyu mubili, ukuti Ena enga ubomfya, nokupela i cabupe. Cilifye ngoku ufumya mu giya, elyo Mupashi wa Mushilo apitilako.

269 Nomba, ngacakuti Ena alalondolola nangu ukukweba fintu iwe wacita, ico wishile pano, nangu icintu cimo palwa iwe, wala cicetekela. Nebumba lyala cetekela cimocine? [Ulukuta lwatila, “Ameni.”—Kale.] Lekeni Shikulu Lesa acipele.

270 Nomba Ine nabika umupashi onse, uuli muno, pe samba lya butungulushi bwandi, ku bukata bwakwa Lesa. Nomba ikaleni tondolo. Mwila endauka.

271 Lolesheni kuno, pakashitafye. “Lolesheni pali ine,” ngafintu Petro na Yohane basosele, ukupita pa mpongolo. Mu mashiwi yambi, posenifye amano kufintu Ine ndelanda. Mwamona?

Yesu aipwishe umwanakashi amepusho yamo. “Letelako Ine amenshi yakunwa.”

272 Mwamona, Ine nshimikila, icintu cimocine. Taata antumine kuno ku—ku Baton Rouge. Ine ndi pano.

273 Wishi atiile Ena alefwaikwa ukuya ku Samaria. Ena aikele palya. Umwanakashi ali ewakubalilapo ukwisa kuli Ena. Ena acitile cilya cishibilo cimo pa mwanakashi ulya, no musumba onse walapile. We bupusano buntu cena. . .

274 Bushe muletontonkanya, ngacakuti Ena acitile icintu cimo cine, muno bushiku, muletontonkanya onse Baton Rouge kuti alapila? Ine ndetwishika ico, nga imwe? Ine cine cine ndi. Lelo ifwe tuli munshiku sha kulekelesha, ilyo ububifi nabu bipilako ukucila ubwatalile abwishibikwa.

275 Nomba imibele yobe. Iwe wishile kuno kuku pepelelwa. Cacine. Kabili ule cushiwa no bwafya bwapa mukoshi. Ngacakuti ico cacine, imya ukuboko kobe. Teico ceka, lelo kuli umuntu umo untu ulepepelako. Mwana, kabili uyo mwana ali no bwafya bwapa mukoshi. Kabili ubo bwafya bwapa mukoshi wa mwana, fintu fyafimba pamukoshi. Bushe nau cetekela ukuti Lesa ale mundapa, pamo? Ako katambala kalimu minwe yobe, kantu wimishe kuli Lesa, ngo bunte. . . Wi citwishika

nomba. Kabiye nokubika akatambala pa mwana. Witwishika, nomutima obe onse. Lesa ale mundapa imwe bonse babili noku mulenga abatuntulu. [Nkashi atiila, “Alumbanishiwe Ena! Aleluya!”—Kale.] Bushe kuti wacita ico? [“Yesu! Natotela Imwe, Yesu!”] Kanshi kabiye, na Shikulu abe na iwe. [“Ubukata kuli Lesa! Aleluya!”]

Ulishani? Ifwe tuli beni, nakabili.

<sup>276</sup> Bushe mulecetekela? [Ulukuta lwatiila, “Ameni.”—Kale.] Ico ecishibilo. Nomba i Shiwi, lili, “Bweleleni ku Cebo!”

<sup>277</sup> Bushe tawishibe; Ena alacicita. Ngacakuti Ena alanjeba icintu cimo palwa iwe, lyena wala cetekela ukuti cilya Cebo cintu Ine nasosa cikashininkishiwa? Ico ni—ico cishininkisho ca Ciko. Mwamona? Ine nacistila Ena ali cicita; uko kusesema. Nomba ngacakuti ubusesemo bwaisa citika, ninshi E wasosele, “Cumfweni.”

<sup>278</sup> Iwe uline mibele ya masakamiko iibi intu ulecula nayo, amasakamiko. Kabili naukwata cifimba, noyo cifimba ali pakulu kobe. Ico cacine, teifyo fine? [Nkashi atiila, “Ee.”—Kale.] Nomba bushe naucetekela? [“Ee, mukwai.”] Kanshi kabiye pa musebo, no kucetekela. Kabili, ngafintu ucetekele, eflyo cibe kuli iwe.

<sup>279</sup> Ulishani? Ine nshakwishiba, lelo Lesa ali kwishiba. Bushe ulecetekela ukuti Lesa kuti anjeba amafya yobe? Lolesha kuli ine. Uli namafya. Lelo sanasana wiminine pano ku muntu umbi, noyo untu uwafyalwa pamo na iwe. Ninkashi yobe. Ico cacine. Nomba bushe ulecetekela ukuti Lesa kuti anjeba icilubene na nkashi yobe? Bushe ulecipokelela? Ena ali no bwafya bwa mutima. Ico cacine. Bushe ulecetekela ukuti ena alaundapwa nomba? Kanshi, ukulingana ne citetekelo cobe, cibefyo kuli iwe.

<sup>280</sup> Isa, namayo. Ulishani? Ngacakuti Lesa kuti anjeba ico ubwafya bobo buli, nangu cintu iwe wacita, nangu icintu cimo, bushe kuti calenga iwe ukucetekela? Iwe nawishiba ukuti Ine ndi. . . Ine—Ine—Ine nshakwishiba. Ico kuti caba mibele Yakwe ukuilanga Iyine muli ine, ukulingana ne Cebo cintu Ena alaile. [Inkashi yatiila, “Ine ku cicetekelafye.”—Kale.] Iwe wacetekela ico? [“Ee. Ameni.”]

<sup>281</sup> Iwe naumbi, uli na mafya yantu umwanakashi wa myaka yobe enga kwata, lelo itontonkanyo lyobe likalamba lyapa muntu umbi. Uku kabila kobe kuli Lesa; iwe ulelomba Lesa tepalobe, lelo pa muntu umbi, uyo mwaume. Mulume obe. Kabili ena ali nobwafya bwa mutima. Bushe ulecetekela ukuti Ena ala. . . Lesa ala mundapa? Kabiye, cicetekele. Kabili, ngafintu ucetekele, eflyo cileba kuli iwe.

<sup>282</sup> Nomba, moneni, ukushimikila konse, kwa ilya nsa intu Ine nacila shimikila. Cena, conse cintu cena caciba, batatu nangu abantu bane nabapita apa, nomba Ine ndefilwa nokwiminina pano. Mwamona? Mwamona, ibumba fye lyonse lilemonekafye

ilyabutulukila, muno mukati. Mwamona? Yesu atiile, “Amaka yafuma muli Ine.” Kabili ngacakuti umwanakashi umo, ukwikata insalu Yakwe, cafumishe amaka muli Ena, na Ena ali Mwana wakwa Lesa, nga ine, umubembu uwa pusushiwa kuluse Lwakwe?

<sup>283</sup> Ena atiile, “Ifintu fintu Ine ndecita naimwe mukacita. Mukacita *ukucila* apa.” Ine ninjishiba King James atiila, “ifikalambapo.” Lelo ngacakuti imwe mwabula ukwilula kwapakubala, kwatila, “*Ukucila* pali ifi imwe muka cita.” Tapali nangu umo uungacita ifikalambapo. Ena abushishe abafwa, kabili Ena aimike ububumbo, no kucita ifintu fyonse. Lelo Ena atiile, “*Ukucila* pali ifi imwe mukacita, pantu Ine naya kuli Taata.”

<sup>284</sup> “Isonde talyaka Mone; lelo imwe muka Mona, pantu Ine. . .” Moneni, “Ine,” Ine—Ine ukwimininako umuntu. “Ine nkaba naimwe, na muli imwe.” Nomba, temuntu. Ni Kristu.

<sup>285</sup> Ine ndesosa ico, ukuti njisunkanyeko panono, uku ibweshamo. Kuti wafuma ukufika pacifulo cimo mpaka panuma ya kashita. . . Telintu uli pa muulu *palya*, nangu pesamba *pano*; ni pakati. Nibanga bacumfwa ico? Ine ninjishiba imwe—imwe muletontonkanya ukumfwa. Ine ndacita, naine.

<sup>286</sup> Bushe mwali tala amwishiba ukuti ba kashika na bakasesema lyonse bena balifulungana? Nibanga abaishiba ico?

<sup>287</sup> Nibanga babelenga pali William Cowper, ulya kashika mukalamba umu Ngeleshi? Namwishiba, alembele, “Kafukauka kaliko kaisulamo Mulopa, ukufumya kumishipa yakwa Immanueli.” Panuma yaku lemba lulya lwimbo, bushe mwalyumfwa icacitike kuli ena? Ine naiminine pa nshinshi yakwe te kale saana. Ena aeseshe uku ikulika, kabili anwinine afwa mumumana.

<sup>288</sup> Nibanga aba umfwa pali Stephen Foster, uwapele America nyimbo shacikaya shaiko ishawamisha? Ena ashikwete mu mutwe wakwe lelo temu mutima. Lyonse ilyo ukuputwamo kwale muwila, ena alelemba u lwimbo. Nomba ilyo ukuputwamo kwalemusha, ena taleishiba icakucita umwine, kabili aleluba. Ena—ena—ena ali nakolwa. Kabili pa kulekelesha ilyo ena atampile ukufuma muli kulya kuputwamo, ena aitile umubomfi, no kubula ulwembe noku ipaya. Ico cacine.

<sup>289</sup> Lolesheni kuli Eliya, kasesema. Ena aile kulya no kwita umulilo ukufuma ku muulu; aitile imfula ukufuma ku muulu pabushiku bwapakubalilapo; no kwisala imyuulu no kucita fyonse filya. Nomba ilyo ukuputwamo kwa mushile, ena aile mu matololo no kukabilo kufwa. Na Lesa amusangile, panuma ya nshiku amakumi yaane, abwelele mu lucengo. Bushe cacine ico?

<sup>290</sup> Lolesheni kuli Yona, kasesema. Panuma ya kubila imbila yakwe, ena aile nokwikala pa kapili, aipwishe Lesa uku muleka afwe. Uh-huh. “Lekeni umubomfi Wenu afumepo mu mutende.”

291 Abantu tabacumfwikisha. Awe, awe, imwe teti. Nangu Nine tekuti ncilondolole, nangu umuntu umbi. Imwe tekuti mulondolole Lesa. Lesa teshibikilwa ku pelulula ukupitila muli sayanshi. Lesa eshibikilwa ku cicetekelo. Ifwe twali Mucetekela. Kuti imwe mwalondolola shani? Kuti cena caba shani icitetekelo, nakabili? Twishiba Lesa kucicetekelo.

292 I chalichi tacakatale acishiba umulimo no kunaka, kabili ukucucutika na mesho, abaesha uku Ileta, i Mbila. Ena alacita. Icilambu candi tacifuma ku bantu.

293 Lolesha kuno, namayo. Ee, bwangu bwangu. Ulya mwanakashi ali necinshingwa camfwa. Lesa talaisa ililine ku mwanakashi, Ine nde mona. . . Bushe imwe tamulemona ukufita ukuli pa muulu wakwe ukushinguluka? Ena alefwa, icine cine fye. Kuno tapapitile inshita, basendele icikope ca cintu cimo ngefyo, kabili ndi naco ku ng'anda. Ena nakwata icishingwa icafita ciseme mupepi nankwe. Ena ali ne cinshingwa cakutwala kumfwa.

294 Uyu namayo munono bali mubombele. Kabili na muli ukukubombelwa, bena babombele pepwa londa. Kabili nomba ena nakwata amafya, yonse ayamisango ya—ya, ukuba, amafya fye. Icintu cimo, iwe uli uwanaka icakuti teti wiminine. Nacimbi icintu, cakuti mucisu mulefuma amafina. Nomba, pakuti fye umone ukuti Ine nshilelandafye icintu cimo. Mwamona? Ico cacine. Lelo, namayo, ba dokota balyesha. Ine ndemutasha palico. Lelo, ena ali cakulesha, nomba Lesa ekondapa. Iwe ukuba ngefyo walafwa. Ena aeseshe fyonse fintu engacita. Bushe ulecekela? [I nkashi yatiila, “Ee.”—Kale.] Isa kuno, pali mineti fye.

295 Ukupitila muku lashikwa ukwapelwa kuli ine ku Mpalume Lesa, ukubela ubunte kuli ine kuli Malaika, uulipo nomba mu mimonekele ya Mpinda ya Mulilo, Ine nasusha uyu ciwa uulesenda umweo wa uyu mwanakashi. Mwi Shina lyakwa Yesu Kristu. Amen.

Kabiye, cetekela nomba. Na fyonse ifili muli iwe, cetekela.

296 Iwe uli no bwafya ubwipaya abantu abengi ukucila icintu conse icashala, ubwafya bwa mutima. Batila ico ebulwele bwapa mulu, lelo tebo, mukwai. Ulubembu ebulwele bwacilapo ubulwele. . . bwa cicetekelo. Bushe ulecekela ukuti Ena kuti aundapa uyo mutima noku kulenga ukuba bwino? [Munyina atiila, “Ine ninjishiba Ena kuti acita.”—Kale.] Kanshi kabiye, cicetekele. Lesa akupaale.

297 Uletontonkanya Lesa kuti aundapa umusana obe no ku kulenga ukuba umutuntulu? Ule cicetekela no mutima obe onse? Kabiye, cicetekele, nkashi. Mona icikacitika kuli iwe, ukaba bwino.

298 Ubulwele bwa mu filundwa nobwafya bwa mutima. Lelo ulecekela ukuti Lesa kuti alenga iwe ukuba umutuntulu? [I

nkashi yatiila, “Ine ndi.”—Kale.] No mutima obe onse? [“Ee, mukwai.”] Bushe ule cipokelela? [“Ee, mukwai.”] Ukulingana nafintu ucetekele, eflyo cikaba kuli iwe. Nomba kabiye, cicetekele no mutima obe onse, na Lesa akakulenga ukuba umutuntulu.

<sup>299</sup> Naiwe uli nobwafya bwa musana. Bushe ulecetekela ukuti Yesu Kristu kuti akulenga ukuba umutuntulu? [I nkashi yatiila, “Ee, mukwai.”—Kale.] Kabiye nomba, cicetekele no mutima obe onse. Ine tekuti nkundape, mwamona.

<sup>300</sup> Ubulwele bwa prositeti, no bwafya bwa kutitikishiwa muma tontonkanyo, elyo no bulwele bwa filundwa. Bushe ulecetekela ukuti Lesa kuti akulenga ukuba umutuntulu, ukukundapa? Bushe wa cipokelela? Kabiye, no kucicetekela, kanshi.

<sup>301</sup> Cila kufufya utulo ilingiline, ukukola. Lelo Lesa alondapa icifuba ukufwasa. Bushe naucetekela ico? [Munyina atiila, “Ee, mukwai.”—Kale.] Bushe naucetekela Ena nakulenga ukuba umutuntulu nomba? [“Ee, mukwai.”] Lesa akupale. Natotela, pa cicetekelo cobe.

<sup>302</sup> Nga ngacakutila Ine nga nshacisosapo nangu lishiwi kuli iwe, nabikafye amaboko yandi pali iwe, bushe kuti wa cetekela? [Munyina atiila, “Ee.”—Kale.] Isa kuno. Ine nabika amaboko yandi pali iwe, mwi Shina lyakwa Yesu Kristu, kabili shi ubu ubulwele bwa filundwa bufume pali iwe. Bwakusha.

<sup>303</sup> Isa. Isa, nkashi. Bushe naucetekela? [Inkashi yatiila, “Ee mukwai. Ine nalyundapwapo kale kuli Shikulu.”—Kale.] Ukuba, ico cawama nganshi. [“Alleluya!”] Nomba kabiye kalye icakulya cobe ica mulalilo, na munda yobe mwalaba bwino. [“Alleluya! Alleluya! Alleluya!”]

<sup>304</sup> Ubwafya lyonse ubwa musana, wena wakucusha inshita ntali. Kabiye, ulecetekela iwe nau...Kabiye, ulecetekela uli no kuba bwino, na Lesa akakucitileco. [Munyina atiila, “Lesa nacita. Ameni.”—Kale.] Ameni. Ico cawama. [“Alumbwe Shikulu.”] Shikulu akupale, munyina. Ameni.

<sup>305</sup> Ubulwele bwa shuka tabuli nangu cimo, kuli Lesa ukundapa. Ena kuti abalenga ukuba abatuntulu. Bushe ulecetekele co? [Inkashi yatiila, “Ine nincita.”—Kale.] Cisuma. Cipokelele, no kuya ule Mu cetekela nomba no mutima obe onse.

<sup>306</sup> Iwe naiwe naubukwata mu mulopa obe. Bushe ulecetekela ukuti Lesa alakulenga ukuba umutuntulu? Kabiye, cicetekele no mutima obe onse, no kupola.

<sup>307</sup> Bushe iwe ulecetekela Ena acikundapa lintu cilya cacikukunta? Ena acicita.

<sup>308</sup> Ubwafya bwa banamayo. Ubwafya bwa mutima. Bushe wa cicetekela? [Inkashi yatiila, “Nacicetekela.”—Kale.] Kabiye, ba—ba uwaundapwa mwi Shina lyakwa Yesu.

309 Ulecetekela ukuti Lesa alalenga umusana obe ukuba bwino, imfyu shobe shalaba . . . Akupale! Twalilila fye.

Ine nshundapa. Ine tekuti ng'undape. Ine nshili kondapa.

310 Bushe uletontonkanya shani lintu Ena acisosa palwa musana wakwe, bushe ulecetekela no obe wacundapwa, nao? Cisuma, kabiye fye, ulecicetekela, kanshi . . . Kabiye fye ulecicetekela, no mutima obe onse.

311 Uobe nao, bushe ulecetekela ukuti Lesa akulenga ukuba umutuntulu? Kabiye, cicetekele, no mutima obe onse. Lesa alecisuminisha ngacakuti iwe . . . Iwe ufwile uku cicetekela, nakuba.

312 Bushe ulecetekela ukuti Lesa ala kulenga ukuba umutuntulu, naiwe? [I nkashi yatiila, "Alumbanishiwe Shikulu! Ine cinecine nincita."—Kale.] Cisuma. Lesa akupale. Twalililafye ukuya no kucetekela no mutima obe onse.

313 Iseni, mukwai. Itoni lyakale ilyabuta lilepona panshi. Ukupimeco kuti calanga ubulwele bwa shuka. [Munyina atiila, "Bulwele bwa shuka."—Kale.] Bushe ulecetekela Ena alekulenga ukuba umutuntulu? Natuleya ku Kalbale ku kubikwamo umulopa nomba. Ku citetekelo, mwi Shina lyakwa Yesu Kristu, ena naondapwe. Ameni. Lesa amupale, munyina. Cetekeleni no mutima wenu onse. Bushe mulecetekela? ["Cishinka saana."]

314 Ngabamo pali imwe mwibumba nomba? Bushe mulecetekela nemitima yenu yonse, ukuti Yesu Kristu aba cimocine mailo, ileelo, no muyayaya? Bushe mulecetekeleco? [Ulukuta lwatila, "Ameni."—Kale.]

315 Nga kuno muli *uyu* musumba? Namayo umunono uwikele, uutontele amenso palya, ulecushiwa no bwafya bwa banamayo, bushe ulecetekela ukuti Lesa ale kulenga ukuba umutuntulu? Uufwele ikoti lya makumbi makumbi. Cisuma. Cetekela nomba, Yesu Kristu akulenga ukuba umutuntulu. Cena cilifye icayanguka ngefyo.

316 Namayo uwikele panuma yobe, umushishi uwafitulukila. Ena acitila, "Natotela Imwe, Shikulu." Icintu cimo caci mukunta. Ena tacishiba Cena caciba cinshi. Ubwafya bwa cisu nabukusha, uwikele palya pene, panumafye yakwa namayo acundapwa ili line. Ngacakuti ulecetekela no mutima obe onse apo, namayo. Bushe ulecita ico? Cisuma, imya ukuboko kobe ngacakuti ulefwaya ukucipokelela. Lesa akulenga ukuba umutuntulu.

Ngoyu panshi kuno, umuntu umu mukati *kuno*?

317 Kunuma kulya mwibumba, nomba beni abamucinshi nganshi. Mwilaenda. Mwamona, aya amalwele kuti yafuma kuli umu ukuya ku mubiye.

318 Nga imwe, mukwai? Aba abaume bakalamba bekele kuno mu cipuna? Bushe mulecetekela? Bushe mulecetekela Lesa kuti



amundapa? Ubulwele bwa filundwa, kabili muli no bulwele bwa mucifuba. Bushe mulecetekela ukuti Lesa alalenga ico ukuba bwino? Mulecita? Cisuma, imwe kuti mwapokelela cintu mulombele. “Ngacakuti kuti mwacetekela!”

<sup>319</sup> Bushe ulentontonkanya shani, namayo, uwikele lubali na ena? Bushe ulecetekela, naiwe? Bushe ulecetekela? Bushe ulecetekela Lesa kuti anjeba ifyo ubwafya bobe buli? Iwe uli ukutali saana naine. Cetekelafye Ena nomba. Bushe ulecetekela Ine ninkweba i Cishinka? Kanshi ukubutukisha kwa mulopa obe kwala bwelela panshi. Bushe wacitetekela?

<sup>320</sup> Wacimya ukuboko kobe, naiwe. Wacilaesha ukukoselesha umwanakashi. Bushe ulecetekela Lesa kuti anjeba cintunshi. . . Iwe nauwamya nganshi ukumwafwa, nomba Lesa alaaba umusuma kuku kwafwa. Iwe uli no bwafya bwaku mupashi ubule ku sakamika. Ngacakuti ico cacine, ensha ukuboko kobe nge *fi*. Cena calapwa nomba. Ena ala cilenga ukulungama.

<sup>321</sup> Nibanga bacetekela? Nibanga muli imwe abala poke- . . . abashili bena Kristu, abali ne—ne myumfwile ukuti Yesu Kristu epo ali pano, abanga temwa ukwiminina nomba, ukutiila, “Yesu, Ine kuti natemwa ukuilanga ngo mubembu, bushe kuti Mwanjelelako ku membu shandi?” Iminineni pa nkasa shenu. Lesa amupale, mukwai. Lesa amupale. Lesa amupale. Lesa amupale. Lesa amupale. Ico ni . . . Lesa amupale, imwe, imwe, imwe. Uyu, Ena alalamba imwe. Ena alalamba ishina lyenu ilyo imwe mwaciteco.

<sup>322</sup> Kuno lubali pa muulu, iminineni, mutiile, “Shikulu Yesu, Ine ndefwaya ukucita, Ine ndefwaya ukwishibikwa. Ine ndefwaya uluse ku mweo wandi.” Lesa amupale, mukwai. “Ine ndefwaya uluse, Shikulu Yesu.”

<sup>323</sup> Bushe tekuti umone, cibusa, ukuti ni Ena pano? Lesa akupale, mulumendo. Lesa akupale. Lesa akupale, namayo munono. Ico ecintu icikalamba nganshi mungacita. Nomba umuntu umbi uushila cicita, iminina, tiila, “Ine ndefwaya ukwishibikwa, Shikulu Yesu. Ine ndeilanga ne mwine, muno bushiku.”

<sup>324</sup> “Uyo uuka tumbule membu shakwe, akabelelwo luse. Uyo uwafisa ulubembu lwakwe, taka lunduluke.”

<sup>325</sup> Mwalacita, mu Kusangwapo Kwakwe? Lesa akupale, namayo. Ine ndefwaya. . . Lesa akupale. Ee. Kabili Shikulu akupale. Lesa amupale, mukwai. Lesa akupale, namayo. Shikulu Amupale.

<sup>326</sup> Imwe mwatiila, “Bushe ico cilepilibula icintu cimo?” Pakati kamfwa no mweo, ubo ebupusano.

<sup>327</sup> Bushe namumona Ukusangwapo Kwakwe pano? Bushe na umoneco? Bushe namumfwa ifyo? Mwamona, imwe mwa Cimana, imwe mwamona Cena ukubomba. Ico ni Ena. Ifyo efintu

fye Ena asosele Ena ukucita. Bushe mule cicetekela? [Ulukuta lwatiila, “Ameni.”—Kale.]

328 Umuntu umbi atiila, “Ine ndefwaya uku ilanga ngo mubembu, Shikulu. Imwe njeleleniko ku membu shandi nomba.” Ngacakuti nawiminina kale, imyafye ukuboko kobe. Bamo muli imwe ukukonke fibumba, imyeni. . . Lesa amupale. Lesa amupale. Umuntu umo atiila, apo pamuulu ku numa, tiila, “Ine ndefwaya ukuilanga nemwine, Shikulu Yesu. Ndelomba uluse, muno bushiku, mu Kusangwapo Kwenu Kwashila, uku cetekela ukuti, Lesa umowine uka mpingula, u Kusangwapo Kwakwe kuli pano nomba. Ena naishiba ukuti Alelanda ku mutima wandi nokunjeba ukuti Ine ninduba. Ndefwaya ukwiminina no kutiila Ninduba. Nayebelela ninduba. Imwe mulenseka, mu mutima wandi.” Emulandu wine Nacimikila umulongo wa mapepo. Lesa akupale. Lesa akupale.

329 Bushe imwe muletontokanya cinshi Nacimikila? Nacimika pantu Nacishiba ukuti ico caciba no kucitika.

330 Nomba, kuli bambi kuno, bushe tekuti mwiminine? Iminineni no kutila Icintu cimo cilelanda ku mutima wenu, “Iwe na uluba.” Lesa amupale, mukwai. Lesa amupale. Lesa amupale. Lesa amupale. “Nindufyanya. Njeleleniko, Shikulu. Ndeilangisha nemwine. Naiminina, Shikulu, mu Kusangwapo Kwenu. Ninjishiba Imwe muli pano. Ine. . . Imwe mufwile ukuba pano. Imwe mwatiile ici ecintu—e cintu Imwe muli nokucita. Nomba Ine na. . . Namona icishibilo, kabili Ninjishiba cena nacilondololwa kuli ine ukuti cena cifwile ukuba cishibilo cabuno bushiku. Naumfwa i Shiwi iliitile ukubwela kukulapila. Ine Ndi pano, Shikulu. Nincetekela i cishibilo. Naumfwa i Shiwi.”

331 I Shiwi lilelanda kuli ine nomba! Pilibuka, Wewa luba! Pilibuka, Welutanda lwendauka! Pilibuka, Wewaposwa kunse! Pilibuka, muno bushiku!

332 Bushe iwe tawapilibuke? Imininafye nokutila, “Ndeilanga ngo mubembu, ukulomba uluse.” Bushe iwe walacicita, umuntu naumbi? Lesa akupale, namayo. Lesa akupale, pa muulu apo, we mwana mwaume. Ngacakuti Ine nakupusa, Ena tekuti acite. Lesa akupale, namayo. Ico cisuma nganshi. Ico cisuma nganshi. Umuntu naumbi? Ukutwalililafye. . . Ndefwaya ukulolelako mineti, pantu Ine ncili ndeumfwa icisendo pano, mwamona. Umuntu naumbi? Lesa akupale, namayo. Iyo enshila yaku cicitilamo. Ifyo efyo. Umuntu naumbi, “Ndefwaya ukuilanga, imininafye nokutila Ninduba. Ndelomba uluse”? Bushe walacicita? Bwangu bwangu lintu tatulaya pa ntanshi, iminina nokutila, “Ndefwaya ukuilanga, Shikulu Yesu.” Lesa akupale, namayo munono.

333 Namwishiba, nalimo lintu taulafika ku ng’anda, lelo inshita imo nangu imbi kukaba fubefube watalala ukwisa pa cinso

cobe. Limbi ulucelo lumo dokota akesa nokukutika ukukunta kwa mutima pakuboko, takuli icintu cimbi icingacitwa. Nomba ukomfwa amabimbi yatalala aya mfwa pa cinso cobe. Ukebukisha fintu wacita.

<sup>334</sup> Ibukisha, bena tabaka kushike apa shikisha, bena tekuti bacite icintu nangu cimo kuli iwe. Lesa alaile, “Nkakwimya nakabili, pabushiku bwakulekelesha.” Moneni. “Uyo uwa umfwa a Mashiwi Yandi no kucetekela pali Ena uwa tumine Ine, ali no Mweo wa Muyayaya kabili takabe mu Kupingulwa, lelo napita ukufuma kumfwa ukuya ku Mweo.” Umuntu umo acifute Co ngakuti wacita. Yesu Kristu alosele Ico. “Uyo uwa cetekela (ekuti uwa ‘umfwa’) i Cebo Candi noku cetekela pali Ena uwa ntumine Ine, ali no Mweo wa Muyayaya, takatale esa mu Kupingulwa, ukusekwa, lelo napita ukufuma kumfwa ukwisa ku Mweo.” Pantu, ena acetekela mu Mwana eka uwakwa Lesa, untu Lesa aimishe, imyaka amakana yabili ayapitapo, kabili ali uwa mweo pano, muno bushiku, ukulanga imibele Yakwe iya bututubuko Bwakwe.

<sup>335</sup> Bushe kuti kwaba naumbi ukwiminina, panuma ya ico, naumbi atiile, “Ndefwaya uku Cipokelela. Ndefwaya uku Mupokelela”? Lesa apale. Lesa akupale. Ico cili bwino nganshi, namayo munono. Ico cintu icikankala. Ndefwaya iwe ukumona.

<sup>336</sup> Nalemona ubwite bwaku cintamba, kuno inshita imo iyapitapo, abantu ukwisa, balesheta ba cungamu, bale yuma ifimfunshi mumbafu umo nomunankwe.

<sup>337</sup> Lelo bushe mwacimona ubufuma cumi pafinso fya ababantu? Abo banakashi banono, na panumafye yakubasusha palwa mushishi wabo uwaputulwa, ukusuba ilangi pafinso; nalilye langi pali bena, no mushishi waputulwa, nalyoline bacimininafye, “Ndi mubembu. Kwateni uluse pali ine, mwe Lesa.” Isho eshilya Imbutu shili umo. U Lubuuto lwacisanika pali cena, kabili bena ba cishiba. Lesa amupale.

Natukontamike ifinso fyesu nomba.

<sup>338</sup> Ndefwaya uwacetekela onse muno, uwiminine mupepi noyo muntu waciminina, ukubika amaboko yobe pali uyo muntu, (kuti mwacita?), uyo uwaciminina. Bena baciminina lubali naimwe. Ngacakuti uli mwina Kristu, bika ukuboko kobe pali bena, Nkashi, munyina, “Nabika ukuboko kwandi pali iwe nomba. Nalapepa.”

<sup>339</sup> Taata wamu Myuulu, kuli abali pano muno bushiku aba—aba cetekela Imwe. “Shimo imbuto shaponene pa mbali ya nshila,” Imwe mwatiila, “ifyuni fyaishile noku shikolonganya. Shimbi shaponene pa mabwe, nemyunga nabacilasa. Lelo shimo shaile mu usuma, umushili wamufundo.” Kabili u Kusangwapo Kwenu pakuba pano, muno bushiku, nakushinina abengi muno buno bushiku ukuti Imwe muli Mwana wakwa Lesa, ukuti Imwe

muli aba mweo ukutwalilila. Kabili Imwe mwalilaya, pantu Imwe muli aba mweo, naifwe kuti twaba aba mweo.

<sup>340</sup> Shikulu Yesu, bena bacima nokwiminina ngente ukuti bena bacitetekela Imwe. Nomba, Shikulu, Ninjishiba Imwe mukabemininako muli bulya Bushiku. Cipeleni, Shikulu. Nabapela kuli Imwe, mwi Shina lyakwa Yesu Kristu. Lekeni bena bakaye ku chalichi cimo icisuma no kubatishiwa mu lubatisho lwa bwina Kristu. Shi bena bakailunde pamo ne bumba ilisuma ilya bacetekela. Shi bena bakesushiwemo na Mupashi wa Mushilo. Shi bena bakabe ifikombe fya Mbila nsuma, amabwe ya mutengo mungala Yenu pali bulya Bushiku. Kabili ngacakuti Nshaka bamone nakabili kuno lubali lwa bulya Bushiku bukalamba, shi Ninga bamona bulya Bushiku ngamu cimonwa, ukutiila, “Bushe tamule njibukisha? Cali nipa Baton Rouge, bulya ubushiku, lintu Ine naiminine.” Cipeleni, Taata. Bena Benu, ukupitila mwi Shina lyakwa Kristu.

<sup>341</sup> Apa pali, pantanshi yandi, imbokoshi ya tutambala, utusapato tunono, utumacombo, ututambala, notusalu, notwakufwala mumisana. Ifwe twafundwa, mu Baibele, ukuti bena balefumya kumubili wakwa Paulo Washila, ututambala notusalu twamumisana, imipashi yakowela yalefuma mubantu. Nomba, Taata, natwishiba ukuti tatuli Paulo Washila, lelo Imwe mucili umowine Lesa, eico Napepa ukuti Mwalapela ubwasuko bumo bwine, ngafintu mu bufumacumi iyi nkulo ilecetekela. Bena taba cetekele Paulo pantu ena ali Paulo; bena bacetekele Paulo pantu Imwe mwailangile Mwebene pamo na Paulo. Nomba bena bacetekela icintu cimo cine muno bushiku, Shikulu, ukuti Imwe na mulangwa pakati kesu, muno bushiku. Kabili ubushiku bumo, ifwe twatila i. . .

<sup>342</sup> Kalembe umo aletweba, ukuti, “Israeli ali palwendo kuncende yabulayo, kabili Bemba wa Kashika acilingenye munshila, ukubaputula kuncende yabulayo.” Kalembe atiile, ukuti, “Les aloseshe panshi ukupula mulya mu Ntumba ya Mulilo, na menso ya bukali, lintu Cena caile pali Israeli. Cena calengele ukupofula, imfimi ku ushacetekela, nolubuto kuli Israeli. Kabili lintu ulya Bemba wa Kashika acilingenye munshila, wena wakwete umwensu, nokubwelela inuma, na Israeli aabwike ukuya kuncende yabulayo pamushili wauma.”

<sup>343</sup> Shikulu Lesa, lolesheni panshi buno bushiku, ukupula mu Mulopa wakwa Yesu Kristu, u Mwana Wenu. Lintu Ine ndebika amaboko yandi pali utu tutambala, lintu tukabikwa pabalwele, shi Mupashi wa Mushilo, Shikulu, akaloleshe pali uyo muntu, kabili lekeni ubulwele bufumepo, kabili lekeni bena bakaabukile muli cilya calo ica bumi busuma namaka. Ico, Baibele yatiila, “Ukucila pa fintu fyonse,” fintu bena balekabila ukuti ifwe twinga “cibondola mubumi.” Cipeleni, Shikulu. Ine nabatuma, mwi Shina lyakwa Yesu Kristu. Amenii.

...ine Nka konka,  
Uko Ena atungulula . . .

Natwimbe.

...nka konka,  
Nkaya pamo Nankwe,

Nomba Ukusangwapo Kwakwe kuli pano, natu  
Mushinshimunefye mu lwimbo, busumabusuma.

... inshila yonse.

344 Bushe imwe kuti mwalwimba, mucine, ngefi:

Uko Ena antungulula Ine nkakonka,  
Uko Ena antungulula Ine nka konka,  
Uko Ena antungulula Ine nkakonka,  
Ine nkaya . . .

Ngacakuti iwe ukacita, nomba imya ukuboko kobe.

... pamo Nankwe inshila yonse.

Natwiminine nomba, imyeni amaboko yenu nakabili.

... Nankwe ukupula mwibala,

345 Bonse imbeni mu Mupashi nomba. Ni Mbila ya kuputaula  
nganshi. Natu Mushinshimune mu Kusangwapo Kwakwe. Ena  
alitemwa uku shinshimunwa.

... i bala,  
Ine nkaya Nankwe ukupula mwibala,  
Ine nkaya Nankwe, pamo Nankwe inshila  
yonse . . .

Nomba natulwimbile mumutima.

Ine kuti . . .

346 Nomba ilintu imwe mulecita ico, Ndefwaya imwe ukufunka  
mu minwe ya muntu umo, ukutila, “Les aakupale, we mulebeshi.  
Les aakupale, we mulebeshi,” nge fyo. Ifwe tuli umo umo  
no mubiye. Methodist, na Baptist, Presbyterian, Pentecost,  
bonse funkaneni mu minwe umo no mubiye, “Les aakupale, we  
mulebeshi.” Ifyo efintu ifwe twaba: abalebeshi.

... i bala,

347 Les aakupaale, mulebeshi. Les aakupale, tuli pabulendo  
nabonse. Les aakupale, munyinane. Les aakupale. [Tapali  
mashiwi pali tepu—Kale.]

... ibala,

Nomba natwimye amaboko yesu.


Ine nkaya Nankwe, oh, Nankwe inshila yonse.

348 Natu kontamike imitwe yesu, ukuicefya, mwipepo. Mwilaba,  
ulucelo, lisukulu lyapa Mulungu.

349 Munshila imo nangu iibiye, Naumfwafye u Kusangwapo  
kwakwa Les a ukutuntulu nganshi mu mutima wandi. Cili

fye ica nkosela ine ukufumapo, muno bushiku, munshila imo. Ndeumfwa Mupashi wa Mushilo natemwa, muno bushiku. Ifwe cilemoneka tukakwata umusonkano uwinewine mailo, ukumona abantu ukwisa kuli Kristu, mwamona imwe. Umuntu umo acisakamana umulandu Nshacicita ubwite bwaku cintamba. Ndalolela mpaka Natungululwa uku cicita. Mwamona?

<sup>350</sup> Nincetekela ukuti bonse abacimya ukuboko kwabo, nangu abaciminina, Nincetekela ukuti mukaba ku chalichi icisuma mailo, ukusenda icifulo cenu pakati kaba cetekela.

<sup>351</sup> Ilyo tucili nemitwe yesu iyakontama, nalalomba kakumba kuno ukwisa kuntanshi, ngacakuti ena kuti acita, mukutusalanganya. Lesa amupale nombamba, ne mitwe yesu ne mitima iya kontama ku cinso cakwa Lesa. 

*I SHIWI LYA CISHIBILO* BEM64-0321E  
(The Voice Of The Sign)

Iyi Mbila na Munyina William Marrion Branham yaletelwe intendekelo mu Cingeleshi pali Cibelushi icungulo bushiku, muli Kutumpu 21, 1964, pa Denham Springs High School mu Denham Springs, Louisiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)